

საბავშვო ლიტერატურა



1928 წელს

თითოეულ გავუს

უნდა ჰქონდეს

გამოცეხილი

თავისი უუჩნალი

„პიონერი“

შ ი ნ ა ა რ ს ი:

	გვ.		გვ.
1. თავგანწირული მებრძოლი — ს. კასრაძის	2	5. პიონერ-ორგანიზაციის შენობა	20
2. ჯგერა — დ. ს.	7	6. რა უნდა წავიკითხოთ?	21
3. ხუთი მდინარის სათავეში — ნ. კეცხოველის	15	7. კინო სურათების გადაღება სოკის სანჯალე	22
4. რას ლაპარაკობს ს. ს. რ. კ-ს შესახებ ინგლისის ბავშვთა დელეგაცია	19	8. კადრაკი	23

329.153(05)



3-47. შუშათა კლასის საქმიანობის იყავ. მუშაობა



პიონერი

1927

30 დეკემბერი

განათლების სასახლს ჯომბასთიაცვის სტეფალიური აღზრდის შთაგარმატ-
თელთმის და საცათელთოს შ. კ. თ. ცენტრალური შიურთს (საფ. ა. ლ.
კომუნიზმის ცესასთან) ქურთნალი შაგნემისათვის

წელიწადი II
№ 24



ჩვენ ყველანი ვკითხულობთ „პიონერს“



საპანური მუშაური

ახლა?

ქალაქი შიმშილობდა.

ომიდან ბრუნდებოდნენ ჯარისკაცები; ისინი გემებით ადგებოდნენ პატარა ქალაქს და აქიდან მიდიოდნენ თავის სახლებში. ყველა მათგანს გულზე წითელი ნიშანი ებნია და უხარი დათ, რომ მეფის მთავრობა დაინგრა.

აგაფონიც გემით მოვიდა.

აგაფონი უთვისტომო კაცი იყო, გაქართველებული, და სანაპირო ქალაქში ცოლი ჰყავდა.

მისი ცოლი სიხარულით სტიროდა. მეზობლები ულოცავდნენ ნინოს ქმრის დაბრუნებას. აგაფონს ერთი დღეც არ დაუსვენია; მან მოსძებნა ძველი მეზღვაურები და კვლავ მეზღვაურობა მოისურვა; მაგრამ ძველი ამხანაგებიდან მარტო სეილა ნახა ქალაქში, დანარჩენები ვინ იცის სად იყვნენ. არც გამართული სანდლები ჩანდა.

ამიტომ აგაფონმა და სეილამ მოილაპარაკეს: მოდი ეს ძველი სანდალი აღვადგინოთ და მუშაობა გავაჩალოთო.

გაჩაღდა მუშაობა; და, აი, კიდევ რამდენიმე დღე — და სანდალი მზად იყო.

მუშაობა.

რიქრაქზე დგებოდა აგაფონი და პატარა გოგისაც აღვიძებდა:

— ადექ, პეი, ძილის გულა! — ხუმრობით ამბობდა ის.

გოგი სწრაფად იცვამდა ტანს და სამუშაოდ მიდიოდა.

აგაფონთან ცხოვრობდა ჩვენი გოგი, ბავშს ძია აგაფონი და მოხუცი სეილა ძალიან შეუყვარდა; ხალისით მუშაობდა და მუშაობაში დაუღალავი და მარჯვე იყო.

როგორც ჩანს, აგაფონსა და სეილასაც უყვართ ბავში; მას მუშაობას არიდებდნენ და ხან ერთი ურჩევდა დასვენებას, ხან მეორე. გოგი არ ისვენებდა.

ამ სიტყეში აწვდიდა ხელოსნებს აღუღებულ ფისს და შუბლზე ოფლი მოსდიოდა. ხელოსნები ლეზავდნენ სანდალს, სიამით უცქეროდნენ გოგის გარჯას²⁾ და გულის სიკეთით იღიმებოდნენ.

შუადღეზე, როცა სადილობის დროა, აგაფონი და გოგი შინ მიდიოდნენ. ნინო მათ ახვედრებდა ლარიბ კერძს, უაღერსებდა გოგის და არიგებდა ბევრი მუშაობით არ დაღლილიყო.

— თორემ, — ეუბნებოდა ნინო, — აგაფონი გულქვაა, ხომ ხედავ, ბავშის და დიდის გარჩევა მან არ იცის.

ამ სიტყვებზე აგაფონი უღვაშებში ჩაიცინებდა და გოგის შეთქმულივით თვალს ჩაუკრავდა.

აგაფონი გულის თრთოლვით ელოდა სანდლის დასრულებას.

გოგიც ელოდა.

გოგი გამოიცვალა; ამდენ ხანს თუ უსუფთაოდ ეცვა მას, ახლა სუფთად ეცვა, ხელ-პირს მუდამ იბანდა და თანდათან დამშვენდა ბავში.

ეს ძველი სანდალიც გალამაზდა, სიჩქლემასავით გამოიკვეთა და ზღვის პირად შემდგარს ისე მოედერებია კისერი, თითქოს უნდა სეილასა და აგაფონს ხელიდან გაუსხლტეს და ცისკიდური ვადალახოსო.

სანდალზე დასდგეს ანძები.

იალქნები მოიმარაგეს და ზედ ოცდასამძალიანი მანქანაც დადგეს.

„მზად არის“

ნაპირზე ხალხი მოგროვდა. მოვიდნენ აღმასკომის წევრები და საგანგებო განყოფილების თანამშრომლები.

დაინახა თუ არა შორიდან მომავალი სტუმრები, აგაფონი მიეგება მათ და თავმჯდომარეს მიიძახა:

— მზად არის, მზად! —

აგაფონი სადღესასწაულოდ მორთულიყო. სანდალიც დროშებით მოერთოთ, ზღვაში ჩაეტანათ და ის, წასასვლელად გამზადებული, ოღნავ ქანაობდა ტალღებზე. სეილას მესაქის ადგილი ეჭირა და სახე უცინოდა. გოგი ბანზე საქმიანობდა.

1) დასაწყისი იხ. „პიონერის“ № 23.

2) გარჯა — მოუსვენარი შრომა.



აგაფონმა სტუმრები აიყვანა ბანზე; ამუშავდა მანქანა, გაიშალა იალქნები და სანდალი მსუბუქად გაცურდა. ამ დროს ნაპირზე მდგომმა ხალხმა უნებურად დაიძახა:

— ვაშა! —

რამდენიმე მოქალაქემ ქუდები მოიძრო და ჰაერში შეარხია. აგაფონმა ხალხს თვალი მოაგლო და თითქო სიამოვნებამ დაათროო, რაღაც წაიდუღუნა და ჩაეშვა სანდლის სიღრმეში, იქ, სადაც მანქანის განყოფილებაა.

იმ დღეს სანდალმა გასინჯა თვისი ძალღონე, რამდენიმე ვერსი გასცურა ამ ზღვაში და უკანვე დაბრუნდა.

ამ დღიდან შეუდგა სანდალი მუშაობას.

ზღვა.

გოგი ნამდვილი მეზღვაურია.

როცა სანდალი მისცურავს, ბავში მანქანის განყოფილებაშია. იქ ოფელში გათხვრილი აგაფონი დასტრიალებს მანქანას. მანქანა დაუცბრომლად მუშაობს და მკვეთრ ხმებს გამოსცემს.

აგაფონი ასწავლის გოგის მანქანის მოპყრობას, და პატარა მეზღვაური გულმოდგინედ ისმენს და იმახსოვრებს.

ზღვა დელავს; დაუსრულებელი ზვირთები ეხეთქება სანდალს, და სანდალი ქანაობს, მისცურავს სანდალი, ხოლო აქაფებული ზვირთები ოხრავენ და მიემართებიან ნაპირისაკენ. ნაპირი კარგად ჩანს სანდიდან. ნაპირს აცხრება ვეებერთელა ზვირთები, რომელნიც ღმუილითა და ზარით აშფოთებენ მას.

ამ დროს გოგის უყვარს ბანზე დგომა. სანახაობით აღტაცებული ბავში თვალს ავლებს ზღვას და სუნთქვა უხშირდება.

— რაო, მეზღვაურო, კარგი რამეა? — ეკითხება მას მოხუცი სეილა. გოგი თანხმობის ნიშნად თავს აქნევს და ისევ დგას ბანზე. მართლა კარგია ზღვა,

ზღვა თვალუწვდენელი და მბორგავი! რამდენჯერაც გინდა ნახო იგი, იმდენჯერ გამოცვლილსა და უფრო უკეთესს ნახავ.

და რასაც ნახავ დღეს, იგი არა ჰგავს გუშინდელს, ხოლო ხვალინდელი, ვინ იცის, როგორი იქნება?

ჯერ ცა — ვრცელი და უსაზღვრო, რომელიც ირგვლივ არტყია დედამიწას, ხშირად იკარგება ზღვაში და არის შემთხვევა ისეთიც, როცა კარგად ჩანს



პიონერ-კოლექტივის სამკითხველო.

ცის დასავალი¹⁾, ხოლო ზღვა მოჩანს ცის იქით, შორს, სადაც გულზვიადად²⁾ ისერის ტალღებს. ამაზე ამბობენ მეზღვაურები:

— ხედავ, ზღვას არ ჰყოფნის ცა! —

და განა მარტო ტალღები?

მცურავ სანდალს მიჰყვება თეთრი ფრინველების გუნდი; თეთრი ფრინველები თოლიები. და ისინი ჰყვიან, უხმობენ ერთიმეორეს და დალილნი ეშვებიან ზღვაზე; მათ ტალღები აქანავენს მაშინ. თოლიები ჰკორტნიან ტალღების დუფს³⁾.

სანდალს მიჰყვებიან აგრეთვე ზღვის ღორები; შავსა და გამჭვირვალე ტალღების სიღრმეში ისინი ისე მოჩანან, როგორც სარკეში. ზღვის ღორები გაოცებულნი მისდევენ სანდალს, მის დევნაში ირგვლიან ერთმანეთში და სასაცილო ოინებს აკეთებენ. გოგი იცინის; გოგი გატაცებით უცქერის ზღვის სანახაობებს და შემდეგ, შინ დაბრუნებული, ყველაფერს უყვება თავის დედობილ ნინოს.

¹⁾ ცის დასავალი — ცისკიდური.

²⁾ გულზვიადად — ამაყად.

³⁾ დუფი — ქაფი.

„მომზადეთ!“

სეილა დიდი ხანია წავიდა; სანდალზე საქმე არაფერი იყო და აგაფონი იჯდა ბანზე და გარმონს უკრავდა. გოგი ისმენდა, ისინი ელოდენ სეილას. ზაფხული ილეოდა, არ ცხელოდა, გრილი ქარი ჰქროდა და ნაპირზე იდგა ჰავა ცივი და მლაშე. აჰა, სადაცაა გავიდოდა ზაფხული, ჩვენი გოგი სანდალს თავს დაანებებდა და სწავლას შეუდგებოდა. მაგრამ ახლა გოგი და აგაფონი ელოდენ სეილას. სეილა შორიდან გამოჩნდა. ის ჩქარი ნაბიჯით მოვიდა და მეზღვაურებს დაუძახა:

— მოემზადეთ! —

აგაფონმა ღუზა¹⁾ ამოიღო ზღვიდან და მანქანა აამუშავა. სეილამ საქე გასინჯა და სანდალს მიმართულგება მისცა.

— საით? — მოკლედ ჰკითხა სეილას აგაფონმა. სეილამ დაასახელა ერთი სანაპირო ქალაქი, რომელიც აქედან სამოციოდევერსის მანძილზე იყო, თან დაუმატა:

— ძალიან უნდა ვიჩქაროთ და ხვალ აქ ვიყოთ.

ამის შემდეგ საუბარი შესწყდა. სანდალი გავიდა ზღვაში. მშვიდობიანად მიახწიეს მეზობელ



ბუნებისმეტყველების კუთხე კოლექტივში.

სანაპირო ქალაქს; იქ სეილამ მთავრობას ქალაქდები წარუდგინა, ფქვილი მიიღო და სანდალი დაიტვირთა.

როცა წამოსვლას აპირებდენ, მეზღვაურებთან მოვიდენ ერთი ბავშვიანი დედაკაცი და გოგის ნაცნობი მამაკაცი. მათ ქალაქში წასვლა უნდოდათ; ისინი ეჩუდარებოდენ სეილას და აგაფონს:

— წავიყვანეთო! — და მეზღვაურებმა ისინიც ჩაისვეს სანდალში.

ღ ა მ ე .

დიდხანს მისცურავდა სანდალი. მეზღვაურები დაქანცა უძილობამ და ჯაფამ, მაგრამ დასვენებაზე არავინ ფიქრობდა. აგაფონი მანქანის განყოფილებაში იდგა და ბორბლების მუშაობას ყურს უდებდა.

სეილა საქეს მართავდა. არავინ საუბრობდა მანქანის დედაკაცი და მამაკაცი უხმოდ ისხდენ ბანზე და სიცივისაგან ბეჭებში მოხრილიყვნენ.

გოგი სეილას ეხმარებოდა. ამდენ ხანს ბავში აგაფონთან იყო და თხოვდა:

— ბიძია აგაფონ, შენ ცოტაოდენი დაისვენე და მანქანას მე მოვუვლიო, მაგრამ აგაფონმა მხოლოდ გაიცინა და პატარა მეზღვაური სეილასთან გაისტუმრა. სეილა ჩიბუხს ეწეოდა.

სუსხი სიო მოუსვენრად ჰქროდა და ჩიბუხის ბოლს იტაცებდა. დიდი ხანია დაღამდა. მძიმე ცა თითქოს დაბლა ჩამოვიდა, და ცაზე არ ჩანდა არც მთვარე და არც ერთი ვაჰსკვლავი; მიუხედავად ამისა, ზღვაზე მიინც იდგა მკრთალი ნათელი და ამ ნათელში გაირჩეოდა ნაპირი.

ნაპირი, მართალია, შორს იყო, მაგრამ ახლო მოჩანდა და ისმოდა ზათქი²⁾ ზვირთებისა, რომელნიც ეხეთქებოდენ ნაპირს.

სეილა მოუსვენარი იყო; მას უნებურად შეჰქმუხვნოდა წარბები და მკრელოთვალს ავლებდა ცისკიდურს; მან ერთხელ კიდევ ახედა ცას, მერე ცისკიდურს გაუსწორა თვალი და უკმაყოფილოდ სთქვა:

— ზღვა წახდა!

უეცრად გრგვინვით ამოვარდა ქარი და სანდალი მარჯვნივ გადახარა. ქარზე დიდი ზვირთები ავორდენ; სანდალი საბრალოდ ირწეოდა და ზვირთების შხეფი ესხმებოდა ბანს. ეს იყო სანდლისათვის სახიფათო ქარი, რასაც მეზღვაურები გემტეხიას უწოდებენ.

ისეთი ხმაური იდგა ირგვლივ, რომ არავის გაუგონია დედაკაცის კვილი; დედაკაცის ბავშვმაც გამოაღვიძა და თავზარდაცემული ჰყვიროდა.

მოხუც სეილას სახე გაუქვავდა. ის იდგა მღუმარე და ღონიერი ხელით მართავდა საქეს. მან იცოდა, რას შერებოდა; ქალაქამდე არ იყო შორი მანძილი და ცდილობდა ისე ეცურებია სანდალი, რომ ზვირთებს არ ჩაეგდოთ ხელთ და არ გადაებრუნებიათ.

¹⁾ ღუზა — გემის კავი.
²⁾ ზათქი — დიდი ხმაური.



პიონერები სწავლობენ გაზების საწინააღმდეგო ნიღაბების მოხმარების წესებს.

ხიზათი.

გიშველეთ!

სეილა ძველი მეზღვაური იყო და დიდი გამოცდილება ჰქონდა ბევრჯერ ჩავარდნილა ის ხიფათში, მაგრამ აჰა, დაბერდა და ჯერ ცოცხალია. ახლაც გასაჭირი ადგა, მაგრამ მოხუცი სულის სიმშვიდეს არ ჰკარგავდა და ხიფათს გულგრილად უტყუროდა. ეს ჩვენი გოგოც ყოჩალი ბიჭი გამოდგა. სეილამ ის ქვევით ჩაჰზახენა ავაფონის მისაშველებლად, მაგრამ ავაფონმა გოგის უთხრა:

— მალა ადი, სეილას მიეშველეო! —

ავაფონი მხნედ მუშაობდა და ბავში მალა ამოვიდა.

სეილამ სანდალს სასურველი მიმართულება მისცა და გამარჯვების იმედიც მიეცათ. რა თქმა უნდა, მოხუც მესაქეს სანდალიც ადარდებდა, თვისი მეზღვაურებიც და მეზაფრებიც.

ახლა კი საქმე კარგად იყო.

ზღვა ისევ ბორგავდა განრისხებული და უწყალოდ არწევდა სანდალს, მაგრამ ღამეში შორიდან გამოჩნდა ქალაქის ნავსადგური; გამოჩნდა შუქურას სინათლე და განათებული შენობები.

გოგი სოფელი იყო, როგორც სხვები. ბავში არ შეშინებულა; მას დიდი იმედი ჰქონდა გამოცდილი ნაოსნების და, როგორც ჩანს, იმედი გაუმართლდა.

გოგიმ რა დაინახა შუქურას სინათლე, დედაკაცთან მიიბრინა და გაამხნევა: დედი, ნუ გეშინია, ნუ! ჩასძახა ყურში დედაკაცს.

— უეცრად, ზვირთების ხმაურში, სანდლის სიღრმიდან მოისმა სასოწარკვეთილი ყვირილი: — მიშველეთ! — და მანქანის განყოფილებაში რალაც გრგვინვით გასკდა; ამავე დროს სანდლის ბანი უცნაურად განათდა და მანქანის განყოფილებიდან ცეცხლი ამოვარდა.

სეილასა და გოგის თავზარი დაეცათ.

იძახოდა ავაფონი, რომელმაც მხოლოდ ერთხელ დაიყვირა მიშველეთო და შემდეგ ხმა არ ამოუღია.

სეილა გონს ვერ მოსულიყო, რომ ბავში ადგილიდან დაიძრა და თავგანწირვით ჩაეშვა ქვევით, მანქანის განყოფილებაში; მგონი თან დაუძახა მოხუც მესაქეს: — ბიძია, საჭეს სული არ გაუშვა! —

გოგი ჩაეშვა კიბით და ცეცხლში დაიკარგა. ბავშვს პირველად სული შეეხუთა. მანქანის განყოფილებაში კვამლი იდგა და კვამლში ცეცხლი ირეოდა. ბავშმა რაღაცას წამოსდო ფეხი და კინაღამ წაიქცა. შემდეგ კუთხეში შენიშნა რკინის კასრი, რომელსაც ცეცხლი ეკიდებოდა. უეცრად ბავშვს მოაგონდა, რომ აქვე დიდი მუშამბა¹⁾ ინახება. გოგიმ ხელები მოჰხვია მუშამბას, დიდის წვალეებით გაშალა და ცეცხმოდებულ კასრს შემოახვია.

პატარა გოგის ეწვის ხელები; ტანზე ცეცხლი ეკადება, თავბრუ ესხმის, მაგრამ მუშამბას ხელს არ უშვებს და თავდაუზოგავად ახვევს კასრს. ყველაფერი ეს მოხდა უეცრად, ხოლო შემდეგ რაც მოხდა, გოგის არ ახსოვს. ეს კი უდავოა, რომ ცეცხლი ჩაქრა, მანქანის განყოფილება კვამლით აივსო და კიბეზე ვილაც ჩამორბოდა.

რითი თავდება ეს ამბავი?

სანდალი გადარჩა. ავაფონიც გადარჩა. მას დასწვოდა ტანისამოსი, დასწვოდა წვერ-უღვაში და დაშვებულნი საავადმყოფოში იწვა. მის გვერდით იწვა თავგანწირული მეზღვაური, პატარა გოგი. ის უგრძობლად მოიყვანეს საავად-

მყოფოში, და ექიმებს მისი გადარჩენის იმედი აღარ ჰქონდათ; მაგრამ გუშინ გოგიმ თვალეები გაახილა და საკმელი მოითხოვა.

გოგის სანახავად მოვიდენ აღმასკომის თავმჯდომარე და წევრები; ისინი სიყვარულით უცქეროდენ გოგის, ხოლო როცა მიდიოდენ, თავმჯდომარემ სთქვა:

— რა თქმა უნდა, ამხანაგებო, ამ ბავშვს ჩვენ სათანადოდ აღვზრდით! —

— ეხ, ჩემო გოგი, ჩემო ძვირფასო! მე შენ გადამარჩინე, მაგრამ კინაღამ თვითონ დაიღუპე! — ამბობს ავაფონი.

ჰო, ეს ყველამ იცის, რომ გოგიმ დაღუპვას გადაიარჩინა ავაფონი. თუმცა, არათუ მარტო ავაფონი, სანდალიც გადაარჩინა გოგიმ და ყველა ისინი, ვინც სანდალზე იყვნენ.


ეს ამასწინათ აღმასკომის თავმჯდომარეს განუცხადა სეილამ და თანაც დასძინა:

— ამ ბავშვის გამბედაობა მე არასოდეს არ დამავიწყდება!

შეიძლება ამ დღეებში გოგი საავადმყოფოდან გამოსწერონ; ეს გოგისთვის კარგი იქნება, რადგან მალე, სულ მალე სასწავლებლებში მეცადინეობა დაიწყება.

სტეფანე კასრაძე.

1) მუშამბა — სქელი და მკიდრო ტილო.



პიონერების მიერ გაკეთებული გემის მოდელი.



ჯემალი

ჯემალი პატარა ყირგიზია. ის დაიბადა და აღიზარდა ორენბურგის გუბერნიაში, ფართო ველეებზე მომთაბარე ყირგიზთა შორის.

მისი სამშობლო სოფელია კუერდაკინო, რომელიც, როგორც ყირგიზთა ყველა სოფელი, გაშენებულია მდინარე ილექის (მდ. ურალის შენაკადი) მარცხენა მხარეზე. მარჯვენა მხარე კი დასახლებულია მდიდარი ყაზახებით, რომლებმაც ერთ დროს ბრძოლით დაიპყრეს ყირგიზთა სამფლობელო და ამწვანებულ ველ-მინდვრებზე თავისი სოფლები გააშენეს.

წინათ მდ. ილექის ორივე მხარე მხოლოდ ყირგიზების საკუთრება იყო, სადაც თავისუფლების მოყვარული ყირგიზები თავისი დიდი ნახირებით უშიშრად მომთაბარობდნენ; მაგრამ როცა რუსეთის ცენტრალური გუბერნიებიდან გადმოსახლებული გლეხობისთვის მეფის მთავრობას დასჭირდა მიწა, მან ყაზახებს უბრძანა ძალით დაეპყროთ ყირგიზების სამფლობელო.

ყირგიზების დამორჩილება არც ისე ადვილი საქმე იყო. მრავალი წლების განმავლობაში იბრძოდნენ ისინი გაშმაგებით, მაგრამ ყაზახთა ძლიერებას საბოლოოდ წელში გასტეხა გულადი ყირგიზები.

დამარცხებულთა შეურაცხველი ნაწილი ყაზახთათვის მიუწვდომელ ველებს შეეფარა, სადაც დაარსეს ეგრეთწოდებული ყირგიზთა „შორი ურდო“, ნაწილი ყირგიზების კი დარჩა ადგილობრივ, მდინარე ილექის მარცხენა მხარეზე. ყირგიზების ამ მოსახლეობას ყირგიზთა „ახლო ურდო“ ეწოდებოდა.

„შორი ურდოელი“ ყირგიზები ეწეოდნენ მხოლოდ მესაქონლეობას და ყაზახებს ზიზლით გაურბოდნენ.

„ახლო ურდოელებმა“ კი მესაქონლეობასთან ერთად ხელი მიჰყვეს მიწის მუშაობასაც, რაც მათ ყაზახებისაგან ჩქარა შეისწავლეს.

„ახლო ურდოელებს“ ყაზახებთან მჭიდრო ურთიერთობა ჰქონდათ. ბაიგუშები (ანუ ღარიბი ყირგიზები) ყაზახთა მეზობელ სოფლებში მოჯამაგირებოდ, უფრო კი მენახირებოდ, დგებოდნენ მდიდარ ყაზახებთან.

ჯემალის მშობლებს, ატაის (მამა) და ანას (დედა), ვერც კი წარმოედგინათ, რომ მათ ერთადერთ საყვარელ შვილს ოდესმე ყაზახებთან მენახირება მოუხდებოდა.

რვა წლის ასაკამდე ჯემალი ცხოვრობდა თავის სამშობლო სოფელში ლაღად და ბედნიერად.


იგი რკინასავით შავი, ახალგაზრდა თელასავით მკვრივი და ციყვივით ცელქი და მოუსვენარი იყო. სქელი განიერი ბაგეებიდან მას გამოუკრთოდა რძესავით თეთრი, ლამაზად ჩამწკრივებული ჯანსაღი კბილები; ყვრიმალის ფართო ძვლებსა და პაქუა ცხვირს კი წყვილი ნახშირივით შავი, მკვირცხლი და წაელამო თვალები უმშვენებდა. ჯემალი ჯერ პატარა იყო, მაგრამ მას უკვე იცნობდნენ, როგორც ისრის კარგ მსროლელს და შეუდარებელ მხედარს.

მთის ახალგაზრდა შევარდენივით სწრაფი, შორსმჭვრეტელი ჯემალი მუდამ გაურბოდა ხალხს, განსაკუთრებით კი ერიდებოდა ყაზახებს.

ყაზახები ხომ ისედაც დაბეჩავებულ ყირგიზებს ყოველთვის ამცირებდნენ და ჯემალს არა ერთხელ სმენია მათი უდიერი ლანძღვა:

— ოო, შე ძაღლო, შე ძაღლის ლეკვო, შენა! — ამ სიტყვებით ისინი ხშირად მიმართავდნენ ხოლმე ჯემალსა და ჯემალის მშობლებს. ეს იყო მიზეზი, რომ თავმოყვარე პატარა ყირგიზი ყაზახებთან შეხვედრას მუდამ გაურბოდა.

ყირგიზის ოჯახში სტუმრად მოსული ყაზახი ლადია და კადნიერი; იგი სრული ბატონ-პატრონია ყირგიზის ოჯახისა.



საქართველოს
წიგნების კავშირი

როცა ყირგიზები ყაზახთან რაიმე საქმეზე მიდიან, ისინი მორცხვად ჩამწკრივდებიან კარის ზღრუბლთან, საქმის მოგვარებადღე მთელი საათობით სხედან სულგანაბულნი, საბურნუთე გრძელი ყანწებიდან ყნოსავენ ბურნუთს და კვამლით გაქვარტლული კბილებიდან თამბაქოს წვრილად აპურქებენ.

პატარა ჯემალი ხედავს ყირგიზების დაბეჩავებას და გული ტკივილებით ეკუმშება. უქვე დღეებში ყაზახთა სოფლებში ხშირად დაჰყავდა მამას ჯემალი, მაგრამ იქ ჯემალი ყოველთვის ჯიუტად სდუმდა და გულმოსული შუბლ ქვეშ იმზირებოდა.

— აი, შე მგლის ლეკვო!.. ენა რამ ჩაგიგდო! ელაზღანდარება მოხუცი ყაზახი გაყუმებულ ჯემალს; ყაზახი, რასაკვირველია, ვერ ამჩნევს, თუ როგორ ემძიმება ამ სიტყვების მოსმენა პატარა ყირგიზს, რომელიც მამას მკერდზე მაგრად ეხუტება, ხელში მათრახს გულმოსული ატრიალებს და განიერ, გრძელწამწამებიან უპეებში ბრახმორეული თვალეზი ნაკვერცხლებივით ანთებია.

— ჯამან ურუსა (ე. ი. ცუდი რუსი), — ბუტბუტებს თავისთვის პატარა ჯემალი და შინისაკენ გარბის. იქ გულნატკენ ჯემალს ალერსიანად დახედება კეთილი დედა, რომელიც მას კუმისით (ცხენის რძეა) და ნაცარში გამომცხვარი კვერით გაუმასპინძლდება; იქ მას დახედება საყვარელი ძალი ყარაშა და აყრიამულელებული პატარა ყირგიზები.

თავის მწვანე ქვეყანაში ველ-მინდორთა ბედურებივით დაჰქრიან პატარა ყირგიზები. ისინი მზის ამოსვლისას სტოვებენ თავის ხარგებს (ქეჩით გადახურული კარავია, შუაში ხის ბოძით) და შინ ბრუნდებიან მხოლოდ მაშინ, როცა მზე ცის დასავალში წყნარად ჩაეშვება და გადაბინდულ ველებზე საღამოს გრილი ნიავი დაუბერავს.

ყოველ დილას ჯემალის ხარგასთან შოშიებივით დვანან პატარა ყირგიზები. მათ აღტაცებით უერთდება ჯემალიც და, ცოტა ხნის მსჯელობის შემდეგ, შოშიების შავი გუნდი მიჰქრის არჩეული მინდვრებისაკენ, რომ იქ მოაგროვოს გარეული ხილი: ძირტკბილა და სხვა ტკბილი სანუკვარი, რითაც ძლიერ მდიდარია კუერდაკინოს მიდამოები.

იქ ბალახი ისე სქელია და მაღალი, რომ შიგ ცხენოსანიც ადვილად დაიმალება.

მიუახლოვდებიან თუ არა ამ გაუვალ მინდვრებს, სქელ ბალახებში უკვალოდ ქრებიან პატარა ყირგიზები.

სურნელოვანი და ლამაზი ყვავილებით სავსეა ეს მინდორი. აქ სირბილი ძლიერ უყვარსთ ყირგიზის ბავშვებს და როცა ისინი მზისგან დამწვარი პატარა ხელებით ყვავილებსა ჰკრეფენ, მათი თვალეზი გაბრწყინებულია გამოუთქმელი ნეტარებით.

მაგრამ, აი, მზე ცის უფსკრულში ნელ ნელა აეშვა, მინდვრებში ჩამოცხა, და შოშიების შავი გუნდი მიჰქრის მდ. ილეკის დაბლობებისაკენ.

იქ ადვილად შეიძლება დავალო გავარვარებული მზის მცხუნვარებას. მდინარის ახლო მიდამოები დაფარულია აქოჩრილი ტირიფებით, დაგრეხილი თელის ხეებით, ამწვანებული თხმელებით და აცახცახებულფოთლებიანი ვერხვებით; აქ მრავლადაა ლამაზად გადაშლილი გვიმრა, ოდნავსურნელოვანი კბენია ასკილი, მშუშხავი ჯინქარი და სხვა მკენარები.

სუროთი, ხავსით და გარეული სვიით დაბურღული ხეები ერთმანეთში ისე მჭიდროდ არიან გადახლართული, რომ აქ გავლა მეტად ძნელი საქმეა.

ერთხელ აქ ჯემალმა შიშველი ხელებით დაიჭირა ახალგაზრდა შევარდენი, რომელსაც ჩიტის ბარტყებით პირის ჩაგმრიელება მოსურვებოდა, მაგრამ ეკლის ბურღებში გაბმულიყო და ბედნიერ ჯემალს ცოცხლად ჩაუვარდა ხელში.

მაგრამ პატარა ყირგიზები ამ გაუვალ ტყეშიც თავისუფლად დანავარდობენ ისინი ეკლით სხეულდაკაწრულნი და ჯინქრით დაშუშხულნი დაეძებენ ჩიტის ბუდეებს, სადაც ბლომად ნახულობენ მწვანე ან ქარვისფერ კვერცხებს და იქერენ ტიტველ ბარტყებს, რაც მათთვის საოცნებო საქმელს წარმოადგენს.

მაგრამ მათ მოსწყინდათ ტყეში ხეტიალიც.

— ილეკ აიდა... (წავიდეთ ილეკზე) — უცებ წამოიძახებს ჯემალი და ყირგიზის ბავშვები ყიყინით გარბიან მშვენიერი მდინარისაკენ. ისინი ილეკის ქაფიან გრილ მორეცებში ხტებიან გატიტვლებულნი და ზღვის პატარა ღორებივით დიდხანს ჩქაფუნობენ. მერე, როცა ცურვით მოიქანცებიან, წყლიდან ჟვიღ-ხივილით ამორბიან და იქვე ცხელ ქვიშაზე დათვის ბელებივით დაგორავდენ.

მთელი დღის განმავლობაში ასე ცელქობენ პატარა ყირგიზები და საღამოს ეამს, როცა ველ მინდვრებზე გაჩნდება ბინდი, ამდენი ბრძოლით მოქანცული ჯარი ბრუნდება ისევ სოფლად; იქ მათ დაუხვდებიან ალერსიანი მშობლები, სქელბალნიანი ძაღლები, რქადაგრეხილი ვერძები, კოხაკები, კვაცები და გემრიელი ვახშამი.

ნავახშმევს კი თივის ბულულში ჩაწოლილნი ტკბილად ჩაიძინებენ.



ასე თავისუფლად და ლაღად იზრდებოდა პატარა ჯემალი.

მან ჯერ კარგად სიაზულოც არ იცოდა, რომ მამა ცხენზე ჯდომას ასწავლიდა. ჯემალს მამა შეასკუბებდა ხოლმე ცხენზე, რომ არ გადმოვარდნილიყო, მკლავში მაგრად ხელს ჩაჰკიდებდა და ფართო ეზოში აქეთ-იქით დააქროლებდა.

შვიდი წლის ჯემალი უკვე ნამდვილი მოჯირითე იყო ჯემალმა იცოდა აქლემზე ჯდომაც.

როცა სოფელში სანაძლეოდ დოღს გამართავდენ, ჯემალი ყოველთვის ბრწყინვალედ იმარჯვებდა—მისი ცხენი უძლეველი იყო.

გამარჯვების ნიშნად მას მკლავზე შობამდენ ხოლმე წითელ ცხვირსახოცს და თავმომწონე ჯემალი საჯირითო ველზე კიდევ დიდხანს დაათამაშებდა თავის მერანს, რომ ამით გაეხარებია მყურებელი მშობლების გული.

ჯემალი კარგი მენახირეც იყო და სხვადასხვა სამუშაოზე ხშირად ეხმარებოდა მშობლებს.

მაგრამ უეცრად დაუქროლა ავზნიანმა გრივალმა და ჯემალის კეთილი ცხოვრება მოულოდნელად გააპარტახა: ჟამმა ერთი წლის განმავლობაში მოუკლა ჯერ დედა და მერე მამა. დარჩა ობლად ცხრა წლის ჯემალი. მამისაგან დატოვებული ქონება ჯემალს მოხერხებულად წაართვა ცბიერმა ბიძამ. უსახლკარო, გაღატაკებული ჯემალი ილექის მარჯვენა მხარეზე გადავიდა და ყაზახთა სოფელში, როგორც ბაიგუში, მენახირედ დადგა.

* *

ყაზახი, ვისთანაც ჯემალი მსახურობდა, მეტად უხეში და მკაცრი ადამიანი იყო.

— ეეხ, ამას ხომ ცხოვრება არ ჰქვია! — ხშირად ამოიოხრებდა ხოლმე პატარა ჯემალი.

— რატომა ვარ მე ბაიგუში? რად მექცევიან ასე ავდებულად? დილიდან საღამომდე მათ ნახირს ვმწყემსავ, ყველას ერთგულად ვემსახურები, ისინი კი, ის ღიბიანი ყაზახები, მგლის ლექვს მიწოდებენ.

ავონდება მას თავისი ბავშობა, სოფელი კუერ დაკინო, ყირგიზ ძმაბიჭებთან ერთად ველებზე ნავარდი, ტირიფის ჩრდილებით გადაბარდნილ სუფთა ილექში ბანაობა, კეთილი მშობლების აღერსი, თბილი საწოლი, ახლა კი... ახლა ის ბაიგუშია, აბუჩად ავდებული მენახირე, ლამეებს ცივ, ნესტიან მიწურში ათევს.

ერთ მზიან დილას სოფელში რაღაც ჩოჩქოლი ატყდა. ამობოდენ, შორ მინდვრებზე წითლების ცხენოსნები გამოჩნდენ, რომელნიც ჩვენი სოფლებისა-

კენ მოეშურებიანო. მართლაც, რამდენიმე საათის შემდეგ სოფელში წითლების რაზმი შემოვიდა.


ახლგაზრდა ყაზახები სიხარულით შეხვდენ წითლების მოსვლას, მოხუცები კი ძლიერ ბრაზდებოდენ და „კომუნისტ“ შვილებს „სამემკვიდრო მიწის“ წართმევას ემუქრებოდენ.

წითლებმა შუა სოფელში სათემო მოედანზე კარვები გააკეთეს და შიგ დაბანაკდენ.

ჯემალმა არ იცოდა, ვინ იყვნენ წითლები, მაგრამ მთელი მისი პატარა არსება რატომღაც მათკენ მიისწრაფოდა.

ერთხელ დილით, როცა ჯემალი სოფლიდან საბალახოდ ცხვარს მიდენიდა და წითლების ბანაკს გაუსწორდა, მას უცებ შემოესმა:

— ჰეი, ბიჭუნი, მოდი აქ..



მთიელთა საბავშვო სახლის პიონერები (ტფილისი). კედელზე მოსჩანს სურათი, რომელიც დახატეს თვით პიონერებმა ოქტომბრის რევოლუციის 10 წლის თავის აღსანიშნავად.

ჯემალი მოტრიალდა. კარვების წინ შეგროვილ წითელრაზმელებთან იდგა ერთი მაღალი ტანის სამხედრო პირი, მას კეთილი თვალებით უყურებდა.

ჯემალი მივიდა.

— შენ რა გქვია? — წყნარი ხმით შეეკითხა სამხედრო პირი და მხარზე ხელი დაადო.

— ჯემალი, — მორცხვად უპასუხა ჯემალმა.

— მშობლები გყავს?

— არა, — ნაღვლიანად აღმოხდა ჯემალს, — მე ობოლი ვარ, ბაიგუში, აქ მენახირედ ვმსახურობ.

* *
* *

— ნუ გეშინია, ჩემო ბიჭუნი, მალე შენს წამებას ბოლო მოეღება, გული არ გაგიტყდეს, — უთხრა მას სამხედრო პირმა და ალერსიანად თმებზე ხელი ვადუსვა.

ჯემალმა თავი ჩაღუნა.

— ბიჭუნი, შენ გცივა, არა? — უცებ შეეკიფხა მეთაური ჯემალს. რომელსაც დაფლეთილი ტანისამოსიდან შიშველი სხეული მოუჩანდა და სიცივისაგან მთლად ცახცახებდა.

ჯემალს შერცხვა, ვერაფერი უპასუხა.

— ამხანაგო, ამ ბავშს ჩვენი საწყობიდან ერთი თბილი თეჯა გამოუტანე, — მიმართა მეთაურმა იქვე მდგომ წითელარმიელს.

სინარულით ათრთოლებულმა ჯემალმა კეთილ მეთაურს მადლობით აღსავსე თვალებით შეხედა და კრძალვით შეეკითხა:



მთიელთა საბავშვო სახლის პიონერები ხატვის გაკვეთილზე.

— თქვენ აქედან მალე წახვალთ?

— სამი დღის შემდეგ, — უპასუხა მეთაურმა.

— მეც წამიყვანეთ... მეც ვიბრძოლებ... მე თქვენთან მინდა... ძლივს გასაგონი ხმით ლულულულებდა პატარა ჯემალი.

— არა, ბიჭუნი, ჯერ შენ პატარა ხარ. მაგრამ აქ მეთაური უცებ შეჩერდა, თითქოს რაღაც მოაგონდაო, და მერე განაგრძო: — არ ვიცი, ვნახოთ, შეიძლება კიდევ წავიყვანოთ.

წითელარმიელმა ჯემალს თეჯა გამოუტანა.

ცოტა ხნის შემდეგ ჯემალს ეცვა მატყლის სქელი თეჯა, სოფლის შარაზე გაფენილ ცხვრის ფარას მიერეკებოდა და ყირგიზულ ენაზე მხიარულად ლილინებდა.

მოსაღამოვდა. დასავლეთიდან გრილმა ნიავმა დაუბერა და ლურჯ, ხავერდოვან ცაზე ვარსკვლავები ამოციმციმდნენ. აქამდე მზის სხივებით ალაპლაპებულ მდინარე ილეკს სქელი, ნაცრისფერი ნისლეები გადაეფარა და ყაზახთა შორი სოფლები სიბნელემ შთანთქა.

— ყარაშა, ჰა, ყარაშა, — გასძახა ჯემალმა ერთგულ მეგობარს, რომელიც იქვე კორტოხზე გაწოლილიყო, მსხვილ, ბანჯგვლიან თათებში თავი ჩაეყო და ველზე ღრუბელივით გაფენილ ცხვრის ფარას დაყურსული უთვალთვალებდა.

ყარაშა წამოდგა, რამოდენიმეჯერ ტკბილად გააზმორა და ჯემალისაკენ წკმუტუნით გამოეჩანა.

— ხედავ, ყარაშ? დაგვალამდა. დროა წავიდეთ, არა? — ალერსიანად ეუბნება მას ჯემალი და გველივით დაკლაკნილ მათრახს ჰაერში ატლაშუნებს.

ყარაშამ პასუხად ერთი ბოხი ხმით შეყეფა, გაფანტულ ცხვარს თავი დაურბინა.

— ჰაი გიდი, ყარაშ, ყოჩაღ, ყარაშა, — გასძახის ყარაშას ჯემალი და ველიდან დაძრულ ცხვრის ფარას წინ მიუქლებდა.

— „არა, წითლები უთუოდ კარგი ხალხია, ისინიც ნამდვილად ბაიგუშები არიან და ამიტომ ებრძვიან მდიდარ ყაზახებს... ეეხ... მეც რომ იმ წითელ რაზმში ჩამწერდნენ! მე ხომ გულადი ყირგიზი ვარ, მეც ხომ ვიბრძოლებდი! — ფიქრობს თავისთვის ჯემალი და ღამის მკრთალ სიბნელეში წყნარად მიაბიჯებს. ჯემალს თვალწინ ეხატება თოფისა და ზარბაზნების კვამლით გადაბურული მინდორი, თვითონ, როგორც წითელრაზმელი, შავ ცხენზე ზის, ცალ ხელში ამოღებული ხმალი უჭირავს და მეორეში ცხენის სადავე. თხრილებში ჩასაფრული წითლები იბრძვიან. მტრის შორეულ ბანაკებში გამოჩანს ხანძარი და ცაზე ავარდნილი ცეცხლის ალი ცისარტყელასავით გადაგრავნილა. აი, ჯემალმა უცებ თვალი მოჰკრა თეთრების ცხენოსნებს. ისინი ელვის სისწრაფით მოეშურებიან წითლებისაკენ. გულადმა ჯემალმა ხმალი მოიმარჯვა, ხედავს ჯემალი, რომ თეთრები თანდათან უახლოვდებიან... ამხანაგებს აღარ დაუცადა, წელში გაიმართა, მკერდი წინ წამოსწია, აჭიხინებული ცხენით უცებ ადგილიდან მოწყდა და მოსეულ მტრებს შეუტია... ირგვლივ კი ისევ სროლაა. თეთრები იბრძვიან გააფთრებულნი, მაგრამ ჯემალი მხნე და უძლეველია. იგი ხმლის ერთი მოქნევით შუაზე ჰკვეთს გულად მეომრებს. თეთრებმა ვეღარ გაუძლეს ჯემა-

ლის იერიშებს.. დაფრთხენ... გაიქცენ... ამ დროს უკან ჯემალის მოსაშველებლად წამოსული წითელი მხედრებიც გამოჩნდნენ, მაგრამ ჯემალს აღარ სჭირდება დახმარება, მან ერთმა უკუაქცია თეთრების უძლეველი მხედრობა.

გაოცებული, სიხარულისაგან აცრემლებული მეთაური ჯემალს გულში იკრავს და ეკითხება, თუ ვინ არის იგი. ჯემალი უპასუხებს, რომ ის ბაიგუშია, ყაზახების მენახირე და აქ იბრძვის დაბეჩავებულ ბაიგუშების დასახსნელად და სასახელოდ.

ასეთ ოცნებას შეეპყრო პატარა ჯემალი, რომ ამ დროს ყარაშამ ცივად დაიყუფა. ჯემალი გამოერკვა.

მახლობელ ბუჩქნარში რაღაც შრიალი გაისმოდა.

— ჰეი, მანდ ვინ არის?— უცებ დაიძახა ვიღაცამ.

ჯემალი შეკრთა.

— მენახირე ვარ, ჯემალი, — უპასუხა შემინებულმა ჯემალმა.

ბუჩქებიდან შრიალით დაიძრა შავი ჩრდილი და აჩქარებული ნაბიჯით ჯემალისაკენ გამოეშურა. ვარსკვლავების მკრთალ სინათლეზე ჯემალმა ძლივს გაარჩია მხარზეთოფედაკიდებული კაცი, რომელიც მისგან რამოდენიმე ნაბიჯის მოშორებით შეჩერდა; მან ჯემალი მზევრატი თვალებით აათვალიერა და მერე შეეკითხა:

— შენ ილეკის გაღმა მხარიდანა ხარ?

— დიალ, გაღმა მხარიდან... — უპასუხა ჯემალმა.

— ჰმ... კეთილი, შენ ახლა წამოხველ ჩემთან, — ბრძანების კილოთი სთქვა უცნობმა.

ჯემალი დაიბნა.

— ბატონო, მე რა დავაშავე, მე საწყალი მენახირე ვარ, ცხვარს უბატრონოდ ვერ დავტოვებ, — ლულულუღებდა გულამომჯდარი ჯემალი.

— ჩქარა, გამომყე... ახლა უკვე მკაცრი ხმით შესძახა უცნობმა.

ჯემალი კარგახანს იდგა გაქვავებულივით.

„ვინ უნდა იყოს ეს კაცი? რა უნდა ჩემგან?“ — ფიქრობდა ჯემალი და ვერ გამოორკვეულიყო.

— წავიდეთ... ჩქარა! — ისევ შეუყვია უცნობმა.

ჯემალი დაემორჩილა.

უცნობი თავადერილი მიაბიჯებდა ჩაბნელებულ ველზე და მას თითქმის სირბილით მისდევდა უკან პატარა ჯემალი.

მათ ჩქარა გადალახეს საძოვარი მინდვრები და როცა ტყეს მიაღწენ, ჯემალი შეჩერდა.

— ძია, სად მივდივართ, მანდ ბნელა... — შეეკითხა დაქვებული ჯემალი უცნობს, რომელმაც ამ დროს ტყის ბილიკზე შეუხვია.

უცნობი მოტრიალდა, ჯემალი წინ აიდენა და მკაცრად უპასუხა:

— ეგ შენი საქმე არ არის, უფროსთან მივალთ და იქ გაიგებ...

დიდხანს მიდიოდნენ ისინი დაბურულ ტყეში. ვარსკვლავების მკრთალი შუქი ხეების სქლად გადამარდნილ შტოებში ვერ აღწევდა და ირგვლივ ძლიერ ბნელოდა.



მთიელი სტუმრათ მთიელ პიონერებთან (ტფილისში).

შორს, ტყის სიღრმეში უცებ ელვასავით გაანათა.

„აქ რაღაც ამბავი უნდა იყოს“ — გაიფიქრა თავისთვის ჯემალმა:

— ძია, იქ ვინ არიან?

— ჩვენებია, — დამშვიდებით სთქვა უცნობმა...

— ვინ ჩვენებია?

უცნობმა არ უპასუხა.

ისინი ჩქარი ნაბიჯებით მიეშურებოდნენ იქით, საიდანაც სინათლე გამოკრთოდა. ცოტა ხნის სიარულის შემდეგ ჯემალმა ტყეში შეამჩნია აგუზგუზებული ცეცხლი. ცეცხლთან იჯდა მდიდრულად ჩაცმული ქალბატონი კაცი და გარს შემოხვეულ ოფიცრებს გაფაციცებული ესაუბრებოდა.

— ვინ მოდის? — გაისმა მკაფიოდ.

— მე ვარ, ილიკო, — უპასუხა უცნობმა და ცეცხლთან შეჯგუფებულ ხალხს მიუახლოვდა. ყველანი ჯემალს დააკვირდნენ.

— ვინ არის ეს ბაღლი? — შეეკითხა ქალბატონ პოლკოვნიკი უცნობს.

— თქვენო კეთილშობილებავ, ეს იქაურია, ილეკის გაღმა მხარიდან, — უპასუხა უცნობმა და ჯემალი წინ წამოუყენა.

— შენ, ჰეი, წითლები ახლა იქ არიან? — უძილობისაგან დაბოხებული ხმით მიმართა ჯემალს პოლკოვნიკმა.

— არ ვიცი, ბატონო, — ცოტა ხნის დაფიქრების შემდეგ უპასუხა ჯემალმა.

— როგორ თუ არ იცი? — და პოლკოვნიკმა ანთებული თვალელები გადმოუხვრიდა.

— არ ვიცი, ბატონო, წითლები მე იქ არ შემხვედრია, — ისევ იცრუა ჯემალმა.

— ჰა, შე პატარა არამზადავ, შენც წითლების მხარეზე ხარ? — შეჰყვირა პოლკოვნიკმა და მსუქანი ბაღნიანი ხელი ცხვირში ამოჰკრა.



ჯემალი მოახტა ცხენს.

— არა, მე არ მინახავს... მე ობოლი ვარ.. მენახირე... — ლულულულებდა შეშინებული ჯემალი და თან უკან იხევდა.

დიდხანს აწვალელებდნენ გაჯიუტებულ ჯემალს, მაგრამ ჯემალი ერთსად აღიმავეს იმეორებდა: „არ ვიცი, არ მინახავს“.

პოლკოვნიკი ჩაფიქრდა.

— საჭიროა დაუყოვნებლივ წითლებს თავს დავესხათ. სანამ მტრედისფრად ინათლებდეს, ჩვენ აქედან გავალთ, ღამის ორ საათზე. ახლა კი დაიშალეთ და ჯარი მოამზადეთ, — მიმართა მან ოფიცრებს და პაპიროსი ხარბად გააბოლა.

— გვესმის, თქვენო კეთილშობილებავ! — ერთხმად უპასუხეს ოფიცრებმა.

— ეს ბავში კი დატყვევებულია... ყური უგდე... არ გაიპაროს... უთხრა პოლკოვნიკმა ერთ თეთრგვარდიელს და ჯემალზე მიუთითა.

ჯემალმა თავი ჩაღუნა.

— მესმის, თქვენი კეთილშობილებავ! — უპასუხა თეთრგვარდიელმა.

ოფიცრობა დაიშალა, პოლკოვნიკიც წავიდა.

ცეცხლთან დარჩენ თეთრგვარდიელი მალა.

— შემძლია წამოვწვე? — შეეკითხა ჯემალი თეთრგვარდიელს, რომელიც ჩაფერფლილ ცეცხლს მიჯდომოდა და მახორკას სქელ ქალაქში გულმოდგინედ ხვევდა.

— შეგიძლია, — ხელის ჩაქნევით უპასუხა თეთრგვარდიელმა.

ჯემალმა თავისი თეკა იქვე ხის ძირას გაშალა და ზედ წამოგორდა.

დიდხანს იწვა სულგანა'ული ჯემალი, ღამის ყრუ დუშილში დიდხანს ესმოდა საკუთარი გულის ბავაბუგი და თავში ათასგვარი ფიქრი უტრიალებდა.

ავუზგუზებული ცეცხლი ნელ-ნელა მიილულა. ტყეში ისევ ჩამოხენლდა.

თეთრგვარდიელი იქვე შორიანლო დასვირნობდა და უდარდელად ღიღინებდა... ხანდახან შორს ტყის სიღრმეში ელვასავით გაჰკრავდა რაღაც სინათლე და ისევ ჩაქრებოდა — ეს გალაშქრების მომლოდინე თეთრგვარდიელნი ეწეოდნენ პაპიროსს...

მოქანცულ ჯემალს ტკბილად ჩაეძინა.

* * *

უცებ მძინარე ჯემალმა იგრძნო, რომ მას ფეხაკრეფით ვიღაც მიუახლოვდა და სახეზე ალერსიანად თბილი ხელი გადაუსვა.

ჯემალი შეკრთა, თვალელები გამოახილა.

მას თავს დასდგომოდა ძალი ყარაშა, რომელიც თბილი ენით გაყინულ ხელებსა და ყურის ძირებს ულოკავდა.

— შენა ხარ, ყარაშ? — წასტურჩულა ყარაშას ნახევრადგაღვიძებულმა ჯემალმა...


— ყარაშა ვარ, ყარაშა — და ყარაშამ დასტურის ნიშნად კუდი რამდენიმეჯერ გააქნია.

ჯემალი წამოჯდა.

„არა, აქ დაყოვნება არ ივარგებს. წითლები ახლა გულის ძილში იქნებიან. თუ მოულოდნელად თავს დაესხენ, უთუოდ დაამარცხებენ“ — ფიქრობდა ჯემალი და მზვერავი თვალელებით აქეთიქით იყურებოდა.

თეთრგვარდიელი იქვე ჯემალის გვერდით ბლახზე წამოწოლილიყო. თავზე ფარაჯა წაეხურა და ტკბილად ხვრინავდა.

უცებ ტყეში მახლობლად ცხენის ფრუტუნის გაისმა. ჯემალმა ყურები სცქვიტა, თავში ეშმაკურმა აზრმა გაუელვა. „აი, აგერ ცხენიც ყოფილა დაბმული, შეიძლება კიდევ გავიჯიროთო“ — გაი-



მეთაური მიუახლოვდა ჯემალს.

ფიქრა მან და ისევ დააყურა. მერე წამოდგა, გუშაგ თეთრგვარდიელს გვერდზე გადახედა და ფეხაკრეფით იქით გაეშურა, საიდანაც ცხენის ფრუტუნის მოისმოდა. უკან ბაჯბაჯით მიდევდა სულგანაბული ყარაშა.

მთვარეს შავი სქელი ღრუბლები ზღაზღენით გადაეცალა და ხეების გაბარდნილ შტოებში თეთრად ჩამოანათა. აი, ჯემალი ფუღღროიან მუხასთან ჩასაფრული სდგას და ცხენს დაყურსული მიჩერებია. ცხენმა, თითქო მტრის მოახლოვება იგრძნო, კიხინის უმატა. კარგახანს იდგა სულშეგუბებული ჯემალი და ცხენს შორიდან უთვალთვალვდა; მერე ნელი ნაბიჯით მიუახლოვდა, ხმელ კუნძზე მიბჰული ბაწარი ახსნა და პატარა თითებით ცხენს ფაფარი გადაუფარცხნა. ცხენმაც შეგობრული ალერსიანი ხეივინით უპასუხა. ჯემალმა საღვეში გამოსწია. ცხენი დამორჩილდა.

უკან ცხენადევნებული ჯემალი ფეხაკრეფით მიდიოდა დაბურულ ტყეში. ირგვლივ სამარისებური სიჩუმე იყო და ყოველი ფოთოლის გაშრიალებზე ჯემალის გული შიშითა თრთოდა. — ყარაშ, ფრთხილად, — წაულაპარაკებდა ხოლმე თავხედ ყარაშას, რომელიც ბუჩქებში თავალებული დაძვრებოდა. ცო-

ტა ხნის სიარულის შემდეგ მთვარით განათებულ მინდორზე მშვიდობიანად გამოვიდენ, მაგრამ ამ დროს ჯემალს ტყიდან რაღაც ჩოჩქოლი შემოესმა.

„ალბათ, გაიგეს და დამედევნენ“, — გაიფიქრა ჯემალმა, უბელო ცხენს მკვირცხლად მოახტა ზურგზე და ერთი ყირგიზულად შეჰკივლა. ცხენი ჯერ შეტოპტმანდა, მერე ქახვინით ტყის ნაპირს უეცრად მოსწყდა და ხელისგულივით გადაშლილ ტრიალ მინდორზე დაოთხვილი გაეკრა. გაფრენილ ცხენს სირბილით მიჰყვებოდა ყარაშა. მან დიდხანს სდია ცხენოსან ჯემალს, მაგრამ ბოლოს მოიქანცა, ენაწაგდებული ბალახებში ჩაჯდა და ნაღვლიანად აწყმუტუნდა. აი, ჯემალი მთვარის სხივებზე თეთრად აელვარებულ ილექს მიუახლოვდა, რომ ამ დროს ყურთან რაღაცამ ცივად გაუზუზუნა.

ჯემალი შეკრთა, უკან მოიხედა.

ტყის ნაპირიდან მისკენ დაკუმშული ცხენოსანი მოჰქროდა.

„გვიანლა: ველარ დამეწევიტ“ — გაიფიქრა ჯემალმა და ცხენს ზურგზე გალურსული გაეკრა. ტყის ნაპირიდან სროლის ხმები მკაფიოდ გაისმოდა.

ჯემალმა უცებ ცხენის ბეჭებზე წითელი ლაქები შეამჩნია და მარჯვენა მხარში მწვავე ტკივილები იგრძნო.

— საძაგლები... დამქრეს... აღმოხდა გულშეღონებულ ჯემალს და ორივე ხელით ცხენს ფათარში ჩააფრინდა. „არა, წითლებამდე როგომე უნდა მივალწიო“ — მაინც ჯიუტობს პატარა ყირგიზი. ამა სობაში ცხენმა აქაფებული ილეკი თქაფუნით გაარღვია და სოფლის შარაზე ქიხვინით გაქროლა. ჯემალი კი სისხლიდან თანდათან იცლებდა, შეღონებული გული გამაღვებით უცემს, თვალეში უბნელდება.

— ჰეი, მანდ ვინ არის? — დაიძახა ვილაკამ.

— მე ვარ... ჯემალი, — ნაწყვეტ-ნაწყვეტად ამოილაპარაკა ჯემალმა და უღონო ხელებით ცხენს სადავეში მოსწია.

— საიდან მოდიხარ?

— მე... ტყიდან... თეთრები... აი იქ... და ჯემალმა ხელი ტყისაკენ გაიშვირა, მაგრამ უცებ შეტორტმანდა, თავი ცხენზე ველარ შეიმავრა და ჩამოსავარდნად გადმოიხარა.

წითლების გუშაგმა ეს შეამჩნია, ჯემალს მოთენთილ სხეულზე ხელები შემოხვია და მწვანე მინდორზე დასვა.

— ვინ დაგქრა? — ისევ ეკითხება წითელარმიელი ფერმიხდილ ჯემალს.

— თეთრებმა, აი, იქ...

— აქედან შორს არიან?

— არა, აგერ... ტყეში...

ძლივს გასაგონი ხმით ამოილაპარაკა ჯემალმა, უნდოდა კიდევ ბევრი რამე ეთქვა, მაგრამ ენა აღარ დაემორჩილა, თავი დაუბრუნდა და თვალეში თავის თავად ნელ-ნელა მიეხუჭა.

— ბიჭუნავ, შენ აქ დარჩები, მე ახლავე მეთაურს შევატყობინებ და ჩქარა ისევ მოვალ, — უთხრა მას წითელარმიელმა, მერე იქვე გაშვებული ცხენი დაიჭირა. ზურგზე სწრაფად მოახტა და წითლების ბანაკისაკენ მოჰკურცხლა.

* * *

წევს ჯემალი სუფთად გაწყობილ ლოგინში და გაკვირვებული აქეთ-იქით იყურება. სადა ვარ? აქ რა მინდა? — სიცხისაგან გამშრალი ბაგეებით ბუტბუტებს პატარა ყირგიზი. ჯემალს სიზმარშიც არ

ენახა ასეთი დიდი, თეთრად გაბრწყინებული ბაზი.

უცებ კარები გაიღო და საავადმყოფოში წითლების მეთაური შემოვიდა. იგი წყნარი ნაბიჯებით მიუახლოვდა ჯემალის საწოლს და სახეზე მზრუნველი თვალეებით დააცქერდა.

ჯემალი დააკვირდა, იცნო... მკრთალ ბაგეებზე სიხარულის ღიმილმა გაუთამაშა.

— ჯემალი, ჩემო პატარა გმირო!... აღმოხდა მეთაურს და ჯემალს ჯაგარივით სქელ თმაზე ალერსიანად ხელი გადაუსვა.

ჯემალს შერცხვა... გაწითლდა...

— ჯემალი, ჩემო სიამაყე! — ისევ დაიწყო მეთაურმა — შენ თავდადებას უქმად არ ჩაუვლია: ჩვენ თეთრები ვძლიეთ. შენ ახლა კარგად ხარ, მალე მორჩები, პიონერების კოლექტივში ჩაგწერთ და კარგი მებრძოლი გახდები.

კიდევ ბევრ რამეს ელაპარაკა ჯემალს წითელი მეთაური. ქუჩიდან რონოდებისა და ავტომობილების ხმაური მოისმოდა.

— ეს სადა ვართ? — შეეკითხა ჯემალი მეთაურს.

— ეს ქალაქია... ცოტა ხანს კიდევ იწეკი და მერე ყველაფერს ნახავ... ახლა კი მე წავალ და ისევ ჩქარა გინახულებ, — უთხრა ჯემალს მეთაურმა, მერე ერთხელ კიდევ მიუალერსა და საავადმყოფოს კარებისაკენ გაემართა.

— წითელარაზმელებს ჩემი სალამი გადაეცით! — მიაძახა მას ჯემალმა...

მეთაურმა თანხმობის ნიშნად თავი დაუქნია, შორიდან გაუღიმა და კარები გაიხურა.

წევს ჯემალი და თავში ათასგვარი ფიქრი უტრიალებს.

იგი გრძნობს, რომ მისი ცხოვრება სრულიად გამოიცვალა, რომ ის აღარ იქნება აბუჩად ადგებულ, მდიდარი ყაზახის მენახირე და მის ცხოვრებაში იწყება ახალი ხანა, ხანა დიადი ბრძოლებისა, მზის ცხოველმყოფელი სხივებით გაბრწყინებული ხანა.

ჯემალს უხაროდა.

გარეთ მზე იყო, და მუსიკა ქუჩაში საამურად გუგუნებდა.

დ ს.

ხუთი აღინარის სათავუში



5. მოულოდნელ თოვლავში.

ღამე კვლავ წვიმა დაიწყო. ნისლეები უარესად ჩამოწვა.

— თოვლი მოვა უეჭველად, — სთქვა ჩვენმა მასპინძელმა მეცხვარემ და ქოხში შემოიტანა არყის შეშა.

— ცხვარი აღარ გვყავს საწველი და შეშაც აღარ მოგვიტანია, — დაუმატა თან.

— როგორ, ღამ-ღამობით მაინც არ ანთებთ ცეცხლს?

— აბაი, — გაიკვირა, — ცეცხლი რათ გინდა! თუ საკლავია, მაშინ კიდევ ჰო, თორემ ისე ცეცხლი მეცხვარეს გააზარმაცებს...

და ვხედავ, მართლაც რომ არცერთი მათგანი ცეცხლს ახლო არ უდგება, თუ გვესაუბრებიან, შორიახლო სხედან. ზოგნი უკვე „კარში“ მოჩანან, ცხვრის ფართა გარშემო. წამოიხსეს თექა-ნაბადი და წაწვენ. წვიმა და თოვლქაპი ზედ დასდით, მაგრამ სძინავთ ტკბილად, ფიზიკად კი. ძალი გაეკიდება სიბნელეში რამეს, — წამოიხედავენ და ხმას მისცემენ, გასტყვილებენ, დარწმუნდებიან, რომ ნადირი ვადიკარგა და მშვიდობაა, და კვლავ მისდებენ თავს ქვაზე.

დილით ნახევრად სველი მეცხვარე აშლის ფარას, გულაში ჩაყრის ქუმელს (ქუმელი დახალული და დაფქვილი პური ან ქერია; მარილი აქვს გემოზე. ესაა მეცხვარის საგზალი. გულით და აქვთ და როდესაც მოჰშივით, წყაროს წყლით და ზელენ ბატკნის ტყავის პატარა გულაში და შეექცევიან) და შეაფენს ცხვარს ქედებს და სერებს. წვიმა დასდის, სველდება, ქარი უბერავს სუსხიანი, მყინვარებიდან ჩამოქრილი, ცივი, მაგრამ ის აუჩქარებლივ დაიხრება, აიღებს ქვას და უკან დარჩენილ ან აცდენილ ცხვარს ესვრის. საღამოზე ისევ იმ ტანსაცმელით წვება, ისევ დასდის წვიმა...

ცამ მოხსნა პირი და აღარ აპირებს გამოდარებას. გავეხვიეთ ნაბდებში და წავთვლიმეთ. მაგრამ აპაოდ: წყალი შეგვიდგა. შევსველდით და წამოვე-

დექით ისევ. ნაბადმოსხმულნი მივეყრდენით ქვით ნაშენ ყორეს და ვუცდით გათენებას.

— მთები ჩამობერებულია, მესმის ხმა. წამოვდექ და ვხედავ, რომ მთებზე თოვლი კარგა ძირამდგა ჩამოსული. მთის წვერები თეთრად დაგვეტყერიან მალლიდან. აგერ **ბორბალო**¹⁾, აი ქიუხიანი და მყინვარიანი **ნარტუნა**, ამუგო და მათ უკან კი თებულო უნდა იყოს, პირიქით ალაზანი რომ იბადება.

— ახლა შეიძლება გამოიდაროს... ამბობენ თუშები და თექა-ნაბადს იბერტყავენ. ფეხშიშველნი დადიან:

— რაი ბედანაა, ქალამანი ისედაც სველია...

ცხვარი ზანტად შეეფინა ფერდოებს, ბლავის, ნამიან ბალახს ვერ სძოვს ხერიიანად. პატარა კოსტალეს ანკესები უჭირავს ხელში და მეუბნება: „კალმახი დავიჭიროთ“. მეც გაემართე ანკესები, ტფილისიდან მქონდა წამოღებული. ვიცოდი, რომ თუშეთის მთებში კალმახის ხევია. ჩავყვეით მდინარეს მე და კოსტალე.

ცხრა წლის ბიჭია, მაგრამ ყოჩალი, მთელი ზაფხული ცხვარშია, ალაზნის სათავეში. დიდხანს ვეწვალეთ, მაგრამ კალმახი ვერ დავიჭიროთ, ძლივს გაუღიმა ბედმა კოსტალეს და მაჯის სიმსხო კალმახი ამოჰყვა ანკესს...

— თქვენ არ იცით ანკესით თევზაობა, ტყვილად მიფრთხობთ ჩემ მოშინაურებულ თევზებს, — გამოგვეხმაურა ერთი მოხუცი თუში, რომელიც ფეხებდაკარწახებული მოჰყვებოდა წყალს. აბგა კალმახით აქვს სავსე. — ამოდით ჩვენ ბინაზე, დაისვენეთ, თქვით რამ ამბავი, — მიგვიპატყა ქოხისკენ, რომელიც წყალგალმა პატარა გორაკზე იყო.

მე ვაყვე, კოსტალე კი ისევ ანკესობდა. მივედით ბინაზე. აქ მილიციის საგუშაგოა. სამი ახალგაზრდა ბიჭი მოგვესალმა, მოხერხებული ადგილი მომთავაზეს. კუთხეში თოფები ალაგია, ჩხაზე კალმახები ჰკიდია დამარილებული.

— აიღე ჩონგური, ბიჭავ, სთქვი რამ ახლა შენ... მიმართეს ერთ ახალგაზრდას, როცა საუბარი ოდნავ შენედა.

¹⁾ შენიშვნა. დასაწყისი იხ. „პიონერის“ № 23.

¹⁾ გომეწორის ალაზნის სათავეებს, ბორბალოსა და ნარტუნას შუა მოქვეულს, ალაზნის თავს ეტყვიან. ამ ადგილში საუკეთესო საძოვრებია და თუშის ცხვრის დიდი ნაწილიც ზაფხულში აქ ბალახობს.

დაამღერა ჩონგურზე, მეცხვარის ამბავს მღეროდა, შირაქში წასვლას, მთებში დაბრუნებას.

მხემ გამაიანათა და გავყვე მდინარის ნაპირებს მკენარეთ წესაკრებად.. გაღმა მხარეს მინდა გავიდე, არ მიჭირდება, რადგან ამ ადგილებში კაი მანძილზე ეს „ალაზანი“ გავაკებული მიდის, მთებიც აქეთ-იქითაა გაწეული და ველები აქვთ საძირკვლად. გაველ გაღმა ნაპირს, მწვანე მოლითაა დაფარული. გადავდგი რამდენიმე ნაბიჯი და მოღმა ძირს დაიწია ფეხქვეშ, ისე ადიოდ-დადიოდა, თითქოს რეზინაო... ეს მთის ქაობია. აქ მრავლადაა ისლი, ქილი, ხავსი. ალაგ-ალაგ მოჩანს ყვითელი ბაია, მრავალძარღვა... გავლაე ეს ქაობი და სერის ძირს გავყვე. ვიწრო ხეობიდან გადმოჰქუხს შენაკადები, ვეებერთელა კლდეები ჩამოაქვთ ძირს, მრავალ მდინარის ნაპირისაკენ.

ალაზანი კი რადგან აქ წყნარად მიდის, ეს ჩამონატანი ლოდები ვერ მიაქვს ერთბაშად და რჩება ნაპირსვე. დროთა განმავლობაში ამ ლოდების პატარა გორაკნი ჩნდებიან... პირველად მოტიტვლებულნი, მაგრამ, აი, ზოგ მათგანზე ძლივს მივდივარ... მეტრის სიმაღლის ნარები ჩხვლეტენ და ადვილად არ მატარებენ.

მალიდან რომ ჩამოჰხედო ამ ხეობას, იტყვი, სად ჩამოდის შენაკადი და სად არა, თუნდ ნაკადულს ვერა ხედავდე. ეს გორაკნი ისე აჰკვრიან ნაპირებიდან მთის კალთებს, რომ ამჩნევ —ახალი წარმოშობილნი არიან...

ერთი შენაკადი სრულიად ადგილად გადავიარე, თოვლის ბოგირი იყო ჯერ დაუმდნარი. ავიხედე მალა და სერი მეტად დაქანებულია, ჩანს, ამ ციკაბო ფერდობის თოვლის უმეტესი ნაწილი ზამთარში აქ დაგროვილა.

ამ თვალყურებაში ვიყავ, როდესაც ვიგრძენ, რომ ფეხქვეშ თოვლი გამომეცალა და ძირს წავედი... თუჩმე აქ თოვლი მეტად შეთხელებულიყო, ვერ გაუძლო სიმძიმეს და ჩაინგრა. ნაკადი დიდი არ იყო, ვერ წამიღებდა. დავილუნე, შევათვალყურე: გასვლა შეიძლება. მეც ფრთხილად გავყე გვირაბს. ნაკადული ფეხქვეშიდან მაცლის კენჭებს და ქვიშას. თოვლის გვირაბიდან წვეთები მეცემა. იგი, ჩანს, დნება... მალე გამოველ ისევ სინათლეზე და რადგან თითქმის მთლად სველი ვიყავ, გავწიე ბინისაკენ.

ბინაზე დარჩენილი მწყემსები საქმიანობაში არიან. აი, ერთნი თოქს, ბაწარს ჰგრეხენ, კალთაში თხის ბალანი აქვთ, და ერთი ატრიალებს და ჰშორდება მეორეს... ბალნიდან კი განუწყვეტლად ბაწარი იგრინება.

სტეფანე ბატკნის ტყავსა სკრის სწორ ხამქუთს ხედებად. ეს ქუდი იქნება. გადააკერა ერთმანეთს და ერთ საათში უკვე მზად იყო.

ზაქარიამ გადაიღო მათი სურათი და ორივე გავყვით სერს, მდინარის აღმა. აქ ტყე ვიწრო ზოლად გასდევს სერებს, ხშირად ოცი-ოცდაათი მეტრის სიგანეა, რის შემდეგაც წმინდა სუბალპები და ალპები იწყება.

ტყე ჩაგვერა და უმთავრესად არყი გვხვდება. ჩანს, მთიდან წამოსულ ზევეებს ხეირი არ დაუყრია, თითქმის ყოველი ძარი გადმოწეულია განზე, მორკალური...

ბევრია ტირიფი, ცირცელი, ძირს მიწაზე გართხმულია ჩვენი მთების განუყრელი თანამგზავრი დეკა, მასში კი ვხედავთ ხუნწს, ყოლოს, კეწერას, მთის ხილს, რომელსაც ხშირად მოვუსხდებით და გემრიელად შევექცევით.

ტყე ხან მდინარის ნაპირამდე ჩამოდის და ხან მისი ნაპირიდან 100 მეტრით მაინცაა დაცილებული. კარგა მანძილით ავყვით ზევით. აქ, ეტყობა, უკვე საგრძნობ მალა ამოველით, რომ ტყეც გათავდა და გამოჩნდა მწვერვალები ბორბალო, ნარუანი და თოვლიანი ორწოხები.

ეს ბორბალოს მთების ორწოხებია. აქაა ნასკვი, საიდანაც იწყება თუშეთის მთები თავის თოვლიანი მწვერვალებით, მყინვარებით. თუშეთს რომ ჩრდილოეთით საზღვრავს; ეს კავკასიონის გვერდის ქედია, იგი გადაჭიმულია ორ ულამაზეს მწვერვალს შორის: თებელოსა (4505 მეტ.) და დიკლოს მთის (4275 მეტ.). მათ შორის ცამდე შეტყორცნილია ჭეშოს (4047 მეტ.), დანოს და კიჩუს მთები. როგორც ხელოვნურად ნაკეთი, ისე შეერთებიან მოელვარე ლურჯ ცას. აქ, სადაც ბორბალოს უახლოვდება, ყინვარნი არ არიან ისე ბარაქიანი, როგორც დიკლოს მთების კალთაზე.

ეს ქედი თუშეთს დასავლეთის მხრიდან საზღვრავს და აღმოსავლეთით კი მთავარი კავკასიონი, რომელიც აქ ბორბალოს მთიდან საირმემდეა გადაჭიმული. ეს ორი ქედი შეჰხვედრია ურთიერთს აქ, ბორბალოს მთასთან, და მისასაღმებლად, მოწინავე მახარობლად თითქოს ორი ლამაზი მწვერვალი გამოუგზავნიათ: ამუგო და ბორბალო. შემდეგ კი სამუდამოდ დაცილებიან ერთმანეთს.

ქვერდის ქედს ჯერ ჩრდილოეთისკენ უქნია პირი და მერე, თითქოს არ მოსწონებია არჩეული გზა, თებულოდან შემობრუნებულა და პირი აღმოსავლეთისაკენ უქნია, მხოლოდ მთავარ ქედს თანდათან სცილდება, თანდათან შორდება, ისევე, რო-



გორც მთავარი ქედიც სამხრეთისაკენაა გადმოხრილი. დასცილდენ ურთიერთს, მაგრამ თითქოს ეს დაკლება გასძნელებიათ და ერთმანეთის მოსაკათხად გაუფხვანიათ ტოტები — როგორც დიკლოს მთიდან სამხრეთისაკენაა წამოსული მრავალი ტოტი, ისე მთავარი ქედიდანაც ჩრდილოეთისაკენ წასულა ასეთივე შვეული ტოტები (ქედები).

მარტო ამ ორი ქედის გვერდს ტოტებიც ეყოფოდა, რომ მთელი თუშეთი მთებით ამოვსებულიყო, მაგრამ ეს არ აკმარა ბუნებამ ამ მხარეს და მთელი თუშეთი გადაკვეთილია მაღალი ქედით, რომელსაც თუშები პირიქითის ქედს უძახიან. ამ ქედს ამშვენებს მწვერვალგანიერი წიოს მთა, წოვათას რომ დასცქერის ზევიდან განმარტობული და დავიწყებული დარაჯივით. მისი სიმაღლე 300 მეტრზე მეტია. ეს ქედი ერთმანეთს აცილებს მ. თუშეთის ალაზნის (გომეწრის) და მ. პირიქითის ალაზნის. ქედი მიდის მთავარი ქედის გაყოლებით და მხოლოდ იქ, სადაც ერთდება თუშეთის სამი ალაზანი: პირიქითის, თუშეთის და გომეწრის, ისიც ჩამოიკვეთება.

აი, ახლაც მე და ზაქარია ამ პირიქითის კალთებზე დავდივართ, მის იქით მოსჩქეფს პირიქითის ალაზანი, ამუგოსა და თებულოს შორის რომ ჰკრეფს თავის ტოტებს, ლამაზ და მოელვარე პატარ-პატარა მყინვარებს შორის.

გარდა ამისა, წიოს მთის იქით ხომ პირიქითის თუშეთია, შეყუჟული პიტალო კლდეებზე, უკანასკნელი თემი, ჩრდილოეთისკენ.

აი, ვდგავარ მქუხარე მდინარის ნაპირას და შეეცქერი ბორბალოს ჩამოთოვლილ მწვერვალს. საკვირველა ნასკვია, სწორედ. აქედან იწყება აღმოსავლეთ საქართველოს მთიანეთის დიდი ნაწილი.

აღმოსავლეთით თუშეთი, დასავლეთით ხევსურეთი, ფშავეთი და ქისტეთი. ქისტეთი ჩრდილოეთისაკენაა გაჭრილი, ფშავეთი კი სამხრეთისაკენ და ხევსურეთი კი მთავარი კავკასიონის ორივე ფერდობზე შესიზნულა.

ქედების მიერ შექმნილ ხეობებში მოექანებიან აქაფებული მდინარენი: ჩრდილოეთისკენ მიქცეულ-ფერდობებზე იბადებიან მდ. არღუნი, ანდაკის მოუსვენარი შენაკადით, რომელიც პირიქით ხევსურეთზე მოდის არდოტისა და შატილიონის ხეობით, სადაც ხალხი არდოსტის და შატილის წყალს ეძახის. ესენი შატილის ქვემოთ ერთდებიან, სადაც მას არღუნი ეწოდება და მითხოს ხეობით მიჰქრის ჩრდილოეთისაკენ, არღუნის დასავლეთით კი გველის მთის (3881 მეტ.) და ეროლას თოვლებიდან გადმოჰქუხს ლამაზი მდ. ასსა.

სამხრეთ-დასავლეთით კი იბადება ჩვენი გიჟი არაგვი; ბორბალოს ფერდობებიდან ჩამოიღვრება ფშავის არაგვი და ცროლას და გველის მთას კი ხევსურეთის არაგვი. ეს ორივე ხევსურეთისა და ფშავეთის დასაწყისს, ორწყალში, ჩაეხვევა ერთმანეთს ნანატრი ძმებივით და მოჰქრის ჟინვალამდე, სანამ ხვეის არაგვს არ ჩაერთვინ. სამხრეთის ფერდობზე (ბორბალოსი) ჩამოდის ალაზანი. მისი შენა-

კადები ჩამოიღვრებიან ბორბალოზე, სამსოლის წვერზე და მხველის წვერზე ორ ნაკადად, წიფლოვანის ხევიად და სამყურის წყალად მოექანებიან პანკისის ხეობამდე, აქედან კი ერთდებიან და ნელი ტბორებით მობუტბუტობენ ალაზნის ველზე... აღვან ზევით, ბახტრიონთან, ერთვის ილტო, ქვემოთ კი სტორი, კეპანის მთებიდან ჩამომდინარე.

არაგვსა და ალაზანს შორის მოჰქუხს იორი, ფშავეთის მთავარი მდინარე. მასარის და ფუტკარაულის მწვერვალებზეა მისი სათავე...

და აქ თუშეთისაკენ კი მოჰქრის თუშეთის ალაზნები, ხისოსთან რომ ერთდებიან და ყოისუს სახელით ესალმებიან კასპიის ზღვას.

რამდენიმეჯერ მზემ შემოგვაკეციტა, ნისლებიც გადაჰყარა და დავგანახვა თოვლიანი მწვერვალები, მაგრამ კვლავ ჩამოპირქუშდა და გამოვბრუნდით.

რამდენი სამუშაო! მთის ალპიური მდელო აქ მეტად ფართეა, ფართეა, რადგან თოვლის საზღვარი დაშორებულია, მაღლაა, კავკასიონის დასავლეთ ნაწილში კი წმინდა ალპები ასე მკვეთრად როდია გამოხატული, იქ სუბალპებსაც შედარებით ვიწრო ხაზი უჭირავთ... და, ვინ იცის, იქ რამდენი საინტერესო და ძვირფასი მცენარეა დარჩენილი!.. თუმცა მასალა საკმარისად მოვაგროვეთ, ამას ვფიქრობთ, როდესაც ნაირ-ნაირ ყვავილს ვალაგებთ ბაღში.

გადაწყვიტეთ წავსულიყავით ქვევით, გომეწრისაკენ, და მეორე დღეს გაფუდექით გზას.

მივდივართ ალაზნის ნაპირებით, ხან გაღმა გავალთ და ხან გამოღმა. ცა ჩამოწმენდილია, ამინდს არა უშავს რა.

ალაზნის თავიდან მეშვიდე კილომეტრზე ავცდით ნაპირს, აქ ხეობა ფრიალ შევიწროვდა და ავყეთ მთას, ეს მხველის მთისა და სამყურის წვერის ქედის თუშეთის ალაზნისაკენ მოქცეული ფერდობებია. ავიარეთ უკვე აწერილი ტყე და სუბალპები. ჩვენს ძირს ალაზანი მოჰქუხს და მიექანება. გაღმა სერები ციდან დაკიდულან. ერთ ასეთ სერზე მეცხვარის ბინაც ჩანს. მიკვირს, ამ უსიერზე როგორ ჩერდებიან, მაგრამ სად წავიდენ, როდესაც ახლომახლო ამაზე სწორი ადგილი არსად არის.

მაღლიდან დავცქერ მდინარეს და ვხედავ, რომ ერთ ადგილას შეტბორებულია, შემდგარა, შედედებულია და ტრიალებს.

— ზვაგი ჩაწოლილა, მას დაუჭერია, — მეტბნევა გაბო. ხორხზე ავიდეთ და გამოჩნდება...

მართლა ავლიეთ ფერდი, მოვექცეთ მის ზურგს ზევიდან და ვხედავ, რომ გაღმა მთის ფერდი ჩამომეწყრილა, ამოუვსია კალაპოტი და შეუჩერებია მდინარე. მაგრამ მდინარეს მაინც თავისი გაუტანია და ზევიდან ზავით გადაჰქუხს.

ავერ, ერთ ადგილს ალაზანს კალაპოტი უცვლია, ახალი გაუკეთებია, 150 მეტ. სიგრძე. ამის მნახველმა გაბომ სთქვა:

— მე როგორც ამ მთებს და მდინარეთ ვუყუ-
რებ, წინათ მთები თანაბარი ყოფილა, უხევებო.
შემდეგ მდინარეებს დაუსერია და დაუღარიბათ“...

მეტი რაღა მეთქვა მდინარეთა ეროზიულ მო-
ქმედებაზე, მე და ზაქარიამ ერთმანეთს გადავხედეთ
და, ჩანდა, ორივეს მოგვწონდა ჩვენი გამყოლის
დაკვირვება...

— აი წოვათაც! — დასძახა ვაბომ.

ჩვენს მარცხნივ, ალაზან ვალმა, მოჩანს შედა-
რებით განიერი ხეობა წოვათა. ეს წოვა თუშების
ძველი სადგომი ადგილებია, აქ ცხოვრობდნენ წი-
ნათ, ახლა კი დასტოვეს და ბარად ჩამოვიდნენ,
ზაფხულობით ტბათანაზე ამოდიან მხოლოდ. მოჩანს
სოფლები, მთის ორწოხებში შეყუყულნი: აგერ სა-
გირთა, ეთელტა, ინდურთა, მოზართა, წარო. ამ
სოფლებს ზედ დაცქერის ჭიუხიანი გრძელი მწვერ-
ვალი წიო, თოვლებით ჩამოთეთრებული. ქვის სა-
ხლები დგანან ისევ, სახურავებიც აქვთ... მაგრამ იქ
ალარავინაა .. გზააბნეული ნადირი თუ შეაფარებს
თავს, ლამამობით ბუნი თუ-ღა გაჰკვივან...

გავცქერ ს. დაკიურთას, მთებში შეყუყულს,
რომელსაც ვარს პატარა მინდვრები არტყია.

თითქოს ნაბადიც გადაეფარება თითოს, ისეთი
პატარანი არიან. ბილიკმა ხნულს გაუარა გვერდით.
უკვე დაუთესიათ, ჯეჯილი ამოსულა კიდევც.

— ეს სვილია (ჭვავი), ადრე ითესება, — განმარ-
ტა ვაბომ...

გალმა კი ვხედავ, რომ ჯერ ყანები ^{ეპოქისული}
გაქრილა და უკვე დაუთესიათ სამემრისოდ.

ქერი ჯერ ისევ მწვანეა, შემოვა თუ არა, არ
ვიცი: აი, თოვლი მოდის კიდევ და როდისღა მო-
ესწრება!

შეზინდა, როდესაც სოფელში შევედით, ვე-
ძათ ხევში. აი, თითქმის სოფლის პირში მოჩანს
წარუხალი. ეს ხომ სუბალპების მცენარეა. ვიხედები
ირგვლივ და მართლაც სოფელს სუბალპების მღელი
და ტყე აკრავს.

— ბინა გვიდასადმე, — ეუბნევა გაბრიელი შე-
მოგვებულ თუშს, ჩაღმელს.

— განა ეს სოფელი ბინა არ არის? — მობრძან-
დით, მოხადეთ ცხენებს ბარგი...


და თვითონვე დაიწყო ბარგის მოხდა, მას
სხვანი მოეშველენ. ბარგი აივანზე აიტანეს, რადგან
სახლი ორსართულიანი იყო, და შეგვიწვიეს სახლში.

— აქ კი წვიმა არ ჩამოგვივა, — ვთქვით, რო-
დესაც დიდ ოთახში მოვექექეთ, რომელსაც სამი
მხრით ტახტები ჰქონდა შემოვლებული.


ტახტის ერთ ბოლოს რამოდენიმე ხელი სუფთა
ლოგინი მოჩანს ქეჩაგადაფარებული... ტახტზე
ფარდაგი და ქეჩა, პატარა ქილებში ყვავილის თა-
იგულიც. ზოგი გამხმარა, მაგრამ ფერი არ აქვს დაკარ-
გული.

ეს ჩაღმელი თუშის სასტუმრო ოთახია.

6. კეცხოველი.



პიონერები სწავლობენ დურგლობას.



რას ლაპარაკობს ს. ს. რ. პ-ს შესახებ ინგლისის გავითა დელეგაცია.

„იუმარ“ ის გემია, რომელსაც სამი თვის წინათ მიჰყავდა ინგლისში უპარტიო მგზავრები—ბავშვები. ხიკსმა გადაწყვიტა ჯერ კიდევ არ მიექცია ყურადღება მათი მოსვლისათვის.

ჩამოსული ბავშვები პირდაპირ გემიდან შევიდნენ ქალაქის სათათბიროში „ბენსალ გარინ“-ში მიტინგზე. ბავშვებმა უამბეს დამსწრეთ იმის შესახებ, თუ რა ნახეს მათ საბჭოთა კავშირში. ნენსი ხოლ ლაპარაკობდა სკოლების შესახებ. ნენსი ახლაც განცვიფრებულია, რომ „რუსულ სკოლებში მასწავლებლები ტკბილად ესაუბრებიან მოწაფეებს, არ უყვირიან და კიდევ ულიმიან“. ჯიმი მილერი მოჰყვა, თუ რა ზომებს იღებს საბჭოთა ხელისუფლება უპატრონო ბავშვების მდგომარეობის გაუმჯობესებისათვის, ნორმან პეიტონმა კი განაცხადა: მხოლოდ რევოლუციის შემდეგ გვექნება ჩვენ ისეთივე ბანაკები, როგორიც რუსი მუშების ბავშვებს აქვთ. ამ ბანაკებში ბავშვების ჯანმრთელობას თვალყური ადევნებენ ექიმებიო.

კლიფორტ რობერტმა ილაპარაკა იმ პირობების შესახებ, რომლებშიც უხდებოდა ცხოვრება და მუშაობა რუს მემლაროელ მუშებს; მან დაასრულა თავისი სიტყვა შემდეგნაირად: „რომ წახვიდეთ საბჭოთა რუსეთში, არასოდეს არ მოისურვებთ იქიდან

წამოსვლას“. ედი ტერნერი ლაპარაკობდა რუსეთის პიონერთა ორგანიზაციის შესახებ, რუსი პიონერების საზოგადოებრივ-სასარგებლო მუშაობის შესახებ და შესახებ იმისა, თუ როგორ აქტიურად აგროვებენ ფულს, რომ შექმნან ფონდი აეროპლანებისთვის „პასუხი ჩემბერლენს“. მან ილაპარაკა აგრეთვე რუსეთის მუშების ბავშვების ჯანმრთელობის დაცვის შესახებ.

ვილი ბეკერი მოუყვა აუდიტორიას ბავშვთა მოედნების და ქლექით დაავადებულ ბავშვთათვის სანატორიუმების შესახებ, რომლებიც მათ ნახეს ლენინგრადში; სთქვა აგრეთვე სკოლებთან არსებული კლუბების შესახებ. ვილიმ განაცხადა:

„ინგლისის მუშები უნდა დაეხმარონ რუს მუშებს მათ ბრძოლაში მთელი მსოფლიოს კაპიტალისტების წინააღმდეგ. ჩვენ არ უნდა დავივიწყოთ, თუ როგორ გვეხმარებოდნენ ჩვენ რუსები 1926 წელს; თუ თქვენ არ დაეხმარებით რუს მუშებს და გულგრილად უყურებთ იმას, თუ როგორ უნდა დაესხან მათ თავზე, მაშინ თქვენ ამხანაგები კი არ იქნებით, არამედ მშიშრები“.

მათი სიტყვა მთელი დარბაზის განუწყვეტელმა ტაშმა დაჰფარა.

ბავშვებო! არ დაგავიწყდესთ „პიონერის“ გამოწერა 1928 წლისათვის.

პიონერ-ორგანიზაციის უამოწყება.

ღარიხების პიონერები.

(შორაპნის მაზრა)

რვა თვეა, რაც ღარიხეში პიონერთა კოლექტივი დაარსდა. ამ ორგანიზაციაში ირიცხება 50 პიონერი და 15 ოქტომბრელი.

პიონერები დახმარებას უწყვენ გლეხობას სასოფლო გზის შეკეთების დროს.

პიონერების მიერ გამორკვეულ იქნა, თუ როგორია სოფლის მცხოვრებთა შემოსავალი წლის განმავლობაში. აგრეთვე იქნა შედგენილი მცხოვრებთა რიცხვის სტატისტიკა. გამოდის პიონერთა გაზეთი „პიონერის ნაბიჯი“, რომელშიაც ხუთი განყოფილებაა. მონაწილეობას იღებენ პიონერები სხვადასხვა წერილების გამოშვებაში.

მოწყობილ იქნა გაფრენები, რომელშიც მონაწილეობას იღებდა მეურნეობის მკოდნე მასწავლებელი.

წარმოებს შრომითი აღზრდა: პიონერები აკეთებენ სხვადასხვა იარაღებს, როგორცაა მაგ.: მაგრატელი, ნაჯახი, თოხი და სხვა ასეთები.

დ. კაშკაშიძე.

ხარაგოულის ბ. კ. ო.

(შორაპნის მაზრა)

დაბ. ხარაგოულის რაისაბჭოს მუშაკ. სამდივნოსთან დაარსდა 1925 წელს ამხ. მიხა ცხაკაიას სახელობის I კოლექტივი. დღიდან დაარსებისა ამ ორგანიზაციას აქვს შემდეგი მიხწევები:

გამოდის ორკვირეული კედლის გაზეთი, რომელსაც „პიონერთა ხმა“ ერქვა და დღეს კი „პიონერთა საყვირი“ ჰქვია; გამოშვებულია 38 ნომერი. პიონერები ყოველთვიურად იწერენ გაზეთ „ახალგაზრდა კომუნისტს“.

კოლექტივის სახელით იწერენ ჟურნალ „პიონერს“, 2 ცალს. ბ. კ. ო. აწვდის მომზადებულ პიონერებს ა. ლ. კ. კ. ორგანიზაციას.

მახლობელ ორგანიზაციებთან ცოცხალი კავშირია დაჭერილი, სადაც ჩანს პიონერების დახლოება ერთმანეთთან. ისინი ეცნობიან ერთმანეთის ორგანიზაციების მიხწევასა და ნაკლს.

პიონერების მიერ მოწყობილია წითელი კუთხე, სადაც არის პოლიტიკური წიგნები და პიონერთა ლიტერატურა.

ჩამოყალიბებულია ოქტომბრელთა ჯგუფი; მათ შორის არის ვაჟი 10, ქალი კი 15, სულ 25 ბავში.

პიონერები მონაწილეობას იღებენ გზისა და ხიდების შეკეთებაში. იცავენ სისუფთავეს სასწავლებელში. პიონერები სასწავლებელში განიარჩევიან

უპარტიო ბავშვებისაგან დისციპლინისა და სწავლის მხრივ; პიონერები აქტიურ მონაწილეობას იღებენ სასწავლებლის ბალის გაწმენდა-შემოღობვაში.

ეზვევიან თვითმოქმედებითს მოშობას (თვით გააკეთეს ურემი, თოხი, ბარი, ხერხი, ნაჯახი, ნამგალი, წილნი, ჩაქუჩი, ვარსკვლავი, კალათი, ფიწალი, ორთითი, ორთქლმავალი და სხვა), აგრეთვე ხატავენ სხვადასხვა რევოლუციონური ბელადების სურათებს და გოგონები კი კერავენ და ქსოვენ სხვადასხვა ტანსაცმელს.

ორგანიზაციაში ამჟამად ირიცხება 78 წევრი, მათ შორის პიონერი არის 40, ოქტომბრელი 25, პიონერ-კომკავშირელი კი 13.

ა. ბუაჩიძე.

ფარცხნალის კოლექტივი

(შორაპნის მაზრა)

წელიწადნახევარია, რაც სოფ. ფარცხნალში პიონერთა ორგანიზაცია არსებობს. სულ კოლექტივში ირიცხება 50 პიონერი და 30 ოქტომბრელი. პიონერებმა შემორაგვეს სკოლის ეზო. იქ დაფრგეთ სხვადასხვა მცენარე.

პიონერები აგრეთვე ეხმარებიან სოფელში ქვრივობლებს და ღარიბებს ყანების მარგვლაში, თოხნაში და სხვა სამეურნეო საქმიანობაში.

გამოდის პიონერთა გაზეთი „სიმართლის გზა“, რომელშიც მთავარ მონაწილეობას იღებენ პიონერები. სულ გამოსულია 33 ნომერი.

ჩამოყალიბებულია დრამატული წრე, რომელმაც ამ ხნის განმავლობაში 12-ჯერ ჩაატარა წარმოდგენა, რომელსაც ესწრებოდნენ პიონერთა მშობლები და მრავალი სოფლის ახალგაზრდობა.

მოწყობილი იყო რევოლუციონური დღესასწაულების დროს ლიტერატურული დიღები.

მოწყობილი იყო ხუთი ექსკურსია. დათვალერებულ იქნა ქარხნები და ციხის ნანგრევები, რომელმაც დიდი ინტერესი გამოიწვია პიონერებში. ისინი გამოსთქვამდნენ სურვილს, რომ მომავალშიც მოეწყოს ასეთი ექსკურსია.

დაარსებულია პიონერთა კუთხე, სადაც გამოფენილია პიონერთა კოლექტივის მიერ გაკეთებული მოდელები: ჩაქუჩი, ნამგალი, ხუთქიმიანი ვარსკვლავი, ორთქლმავალი, ურემი, უღელი, კავი, პატარა მაგიდები და სკამები, აგრეთვე მარქსის, ლენინის და სხვა რევოლუციონერი მოწინავე ბელადების სურათები.

გათვალისწინებულია პიონერთა კოლექტივის მიერ, რომ მომავლისათვის სკოლის ეზოში დაიმყნას ხეხილი და გაკეთდეს ბოსტანი.

მკიდრო კავშირი არსებობს პიონერთა კოლექტივსა და ადგილობრივი კომკავშირის უჯრდს შორის.

ლ. ხეცურიანი.

საქართველო
საბჭოთაო



რა უნდა წავიკითხო?

„პირველყოფილი ადამიანის ყოფა-ცხოვრება“.

ეს წიგნაკი მეტად საინტერესოა და დიდ სარგებლობას მოუტანს ჩვენს ბავშებს. ავტორი ამ მოთხრობაში მარტივი ენით გვაცნობს პირველყოფილი და ახლანდელი ველურების ყოფა-ცხოვრებას. ამ მოთხრობის მოკლე შინაარსი ასეთია: პირველყოფილი ადამიანის ნადირობა, სხვადასხვა ხერხი ნადირობისა, სანადირო იარაღები, ომი, მათი საომარი იარაღები, ველურების თეატრი ცხოვრება, მათი ზნე-ჩვეულება, რო-



გორ მარხავენ ველურები მკვდარს, ახლანდელი ველურების თევზზე ნადირობა, სწავლა-მეცნიერების დასაბამი, როგორ ესმით მათ წელიწადის ოთხი დრო და სხვ.

ეს წიგნაკი დიდად დაეხმარება სკოლებს და ბავშებს, მხატვრული მოთხრობის სახით შეასწავლის პირველყოფილი ადამიანის ყოფა-ცხოვრებას. წიგნი ძალიან კარგად არის გამოცემული, სუფთა ქაღალდზეა და ბევრი სურათიც აქვს ჩართული. წიგნაკი ღირს 30 კაპეიკი.

„როგორ ამოძრავდა პირველი მატარებელი“.

ეს პატარა მოთხრობა ძალიან საინტერესოა და დიდი სიამოვნებით წაიკითხავენ ბავშვები. ის გვაცნობს პირველი მატარებლის ამბავს და მისი გამომგონებლის, გიორგი სტეფენსონის, ბიოგრაფიას. ამ

პატარა წიგნაკის მოკლე შინაარსი ასეთია: გეორგ სტეფენსონი, მალაროს ღარიში მუშის შვილი, სხვათაგან არის მწყემსად. ამ მწყემსობის დროს გეორგი პატარა რუხე აკეთებს სათამაშო წისქვილს, მაგრამ ის ნამდვილ წისქვილს ჰგავს. მნახველებს ყველას უკვირს. პატარა გეორგი თავის ამხანაგი ტომის დახმარებით აკეთებს მანქანას, რომელიც მთლად ჰგავს მალაროების მანქანას. მთელი სოფელი მოდის სანახავად. 14 წლის გეორგი უკვე მალაროში მუშაობს. მას მისცეს საკუთარი მანქანა, რამაც გეორგისადმი მუშებში მტრული განწყობილება გამოიწვია. გეორგი რწმუნდება, რომ მიზნის მისახწვევად მისთვის სწავლაა საჭირო. ამისათვის მან შეისწავლა ფესხაცმელების კერვა: ამითი ოჯახსაც ეხმარებოდა, თვითონაც მეცადინეობდა და მიახწვია კიდევ თავის მიზანს: გააკეთა მატარებელი, რომელიც საათში 14 ვერსს გადიოდა და შემდეგ კი 40 ვერსს. შემდგომ უფრო დახელოვნდა და ცნობილი კაცი გახდა. მას ბევრი შეკვეთა მოსდიოდა.




წიგნს მშვენიერი მხატვრული ყდა აქვს, სუფთა ქაღალდზეა გამოცემული, დაწერილია ადვილი, გასაგები ენით.

ეს წიგნაკი დიდ დახმარებას გაუწევს სკოლას და ყოველ ბავშვს. წიგნი ღირს 13 კაპეიკი.

კინო-სურათების გადაღვა სარკის საშუალებით.

კინოში, რასაკვირველია, ყველა ყოფილა და ყველას უნახავს მთები, ზღვები, დიდებული სასახლეები, ციხე დარბაზები. უთუოდ ბევრს უფიქრია, თუ რა აუარებელი ფული ჯდება ამნაირი კინო-სენსების დაღმა.



სურ. 1.

დიად, დიდი ფული იხარჯება ძვირფას დეკორაციებზე, არა ნაკლები ჯდება სხვადასხვა ექსპედიცია; მაგალითად, თუ მოქმედება წარმოებს მდინარე განგესის ნაპირას, უნდა გაემგზავროთ სურათის გადასაღებად ინდოეთში. თუ საჭიროა კინო-დრამის გათამაშება უდაბნოში, უნდა წახვიდეთ საჰარაში.

ამიტომ გასაკვირი არ არის, რომ ზოგიერთი სურათი ჯდება 5-6 მილიონი დოლარი ¹⁾.

დიდი ხანია, რაც კინო-მოღვაწენი ცდილობდნენ როგორმე გაეიაფებიათ სურათების გადაღება.

ბევრჯერ მოსვლიათ ფიქრად შეეცვალათ ძვირფასი დეკორაციები და ნატურიდან გადაღებული სურათები დეკორაციების მოდელით, ან უბრალო ფოტოგრაფიული სურათებით, მაგრამ სწორედ აქ იყო ერთი სიძნელე, რომლის დაძლევაზე ამ ბოლო დრომდის თითქოს ფიქრიც კი არ შეიძლებოდა.

კინო-სურათში, როგორც ვიცით, მოქმედობს ხალხი, დადიან ავტომობილები, მატარებლები, გემები. სურათზე ყველა ესენი გამოდიან რა სიდიდისანიც არიან, მაშასადამე, დეკორაცია შესაფერი ზომის უნდა იყოს და არც პატარა მოდელს და არც ფოტოგრაფიულ სურათს არ შეეძლო მისი მაგიერობა გაეწია.

მაგრამ გერმანელი ინჟინერის შიუფტანის ახალმა გამოგონებამ სძლია ყოველნაირი დაბრკოლება.


ეს გამოგონება ერთობ უბრალოა.

¹⁾ 1 ინგლისური დოლარი უდრის ერთ ჩერვონეცს, ამერიკული კი 2 მანეთს.

ავილოთ უბრალო სარკე. ყველამ იცის, როგორ კეთდება სარკე. შუშაზე აკრავენ გამდნარ ვერცხლის წყალსა და კალას. გამდნარს და შეზავებულ კალას და ვერცხლის წყალს ჰქვიან ამაღვამა. თუ სარკეს მოფხეკ ამაღვამას, ამოფხეკილი ადგილი გამჭვირვალე იქნება.

ჩამოფხეკილით ამაღვამა სარკის ქვემო ნაწილს და დავდგათ კინემატოგრაფიული აპარატის წინ და შევუდგეთ სურათის გადაღებას. რა გამოვა? ცხადია, ფოტოგრაფიის ნაწილში გამოისახება ის, რაც ჩანს გამჭვირვალე შუშის ქვემო ნაწილში და ფოტოგრაფიის ზემო ნაწილში ის, რაც ისახება ამაღვამიან სარკეში. უბრალოა შიუფტანის გამოგონება.

აი, სწორედ ასეთ ქვემო ნაწილ გაფხეკილ სარკეს სდგამენ კინოაპარატის წინ. სარკის უკან გაჩაღებულია მოქმედება, დარბიან ავტომობილები, ეტლები, თამაშობენ კინო არტისტები, თამაშობენ, რასაკვირველია, დეკორაციის ფონზე. მაგრამ დეკორაცია გამოსახავს სწორედ ქვემო ნაწილს სახლისას, ტყისას, დარბაზის და სხვ. ზემო ნაწილის გამოსახვისათვის კი აპარატის უკან სდგამენ პატარა მოდელს, რომელიც ისახება სარკეში. ფოტოგრაფიაში ორივე ნაწილი ერთდება—ქვემო ნაწილი, რომელიც გაფხეკილ სარკეში ჩანს, და ისიც, რაც სარკის ზემო ნაწილში ისახება. დახედეთ სურ. 1 და თქვენთვის ცხადი იქნება, როგორ ხდება ეს. არტისტები დეკორაციული სვეტების წინ თამაშობენ, აპარატის უკან, ცოტათი გვერდზე, დგას პატარა მოდელი, რომელიც ისახება სარკეში და ჰქმნის ნამდვილ ილუზიას.



სურ. 2.

აბა, შეხედეთ, მე—2 სურათზე ვეებერთელა შენობას. უზარმაზარი სვეტებიანი შენობაა, ავტომობილები, ამასთან შედარებით, ერთი ციკქნებია და ნამდვილად კი შენობის მხოლოდ ქვემო ნაწილია ადამიანის სიმაღლეზე

ცოტა მეტი, დანარჩენი კი ერთმეტრიანი მოდელია. შიუფტანის სარკეში გამოსახული.

კიდევ უფრო საკვირველია მე-3 სურათი: ეკრანზე გამოსახულია ალპების სანახაობა. უზარმაზარი მთები, ღრმა უფსკრულები, ვეცებრთელა ფიჭვები. ნამდვილად კი პაწაწა ქოხი არის ნამდვილი სიდიდის აგებული და დეკორაციის სულ ქვემო ნაწილი, დანარჩენი კი პატარა მოდელია. ადვილად გამოიხატება იგივე ალპების სანახაობა ზამთარში. ორი-სამი ფუთი მარილია საჭირო, რომ მოაყარო ქოხს და ირგვლივ ადგილებს და რამოდენიმე გირვანქა კი მთების მწვერვალებს და ხეებს—ზამთარი მზად არის.

შიუფტანის გამოგონება ძალზე აიაფებს კინო-გადაღებას და ძალიანაც გავრცელებულია ამერიკისა და გერმანიის კინო-ფაბრიკებში.

შიუფტანის სარკის საშვლებით გადაღებულია გერმანული დიდი სურათი „ფაუსტი“, და „მეტროპოლის“, რომლებიც დიდებული სანახაობით „ნიბელუნგებს“ არ ჩა-

მოუარდება. ჩვენ ჩქარა ვნახავთ ამ სურათებს ჩვენს საქართველოში—და მაშინ შეგვეძლება საესებით დავრწმუნ-



სურ. 3

დეთ, თუ რა შეუძლია მისცეს კაცობრიობას ადამიანის გონების გამჭრიახობამ და ტექნიკურმა ცოდნამ.

ჭ ა ღ რ ა კ ი.


მძიმე და მსუბუქი ფიგურები. ფიგურები (გარდა მეფისა) ორ ნაწილად განიყოფება: მძიმე და მსუბუქი ფიგურებად. მძიმე ფიგურებია ლაზიერი და ეტლი, მსუბუქი—კუ და მხედარი. მოძრაობისა და მოკვლის უნარიანობის მხრივ, როგორც ვხედავთ, ყველაზე ძლიერი ფიგურა ლაზიერია. ლაზიერს მოსდევს ეტლი; უფრო სუსტ ფიგურებს წარმოადგენენ კუ და მხედარი. ფიგურებში ყველაზე სუსტი მეფეა. დანარჩენი ფიგურების დანიშნულებაც ის არის, რომ მეფე დაიცვან თავდასხმა - იერიშისაგან. პაიკიც ფრიად სუსტი კოჭია, ხოლო მისი სისუსტე სიწრაფლით ნაზღაურდება. პაიკის ღირ-

უნდა დავიფიქსოთ, რომ კოჭების ღირებულება იცვლება იმისდა მიხედვითაც, თუ თამაში რა სტადიაში იმყოფება. მაგალითად, თამაშის დასაწყისში ყველაზე სუსტი კოჭი პაიკია, მაგრამ ბოლოს შეიძლება პაიკი უფრო ძლიერ კოჭად იქცეს, ვიდრე მხედარი, კუ ანდა ეტლი, ვინაიდან იგი შეიძლება ლაზიერად იქცეს. ასევეა მხედრისა და კუს თანამიმართება: თუკი თამაშის დასაწყისში ეს ორი ფიგურა დაახლოვებით თანაბარი ღირებულებისანი არიან, შუა თამაშში და განსაკუთრებით ბოლოში კუ აშკარად სჭარბობს მხედარს. ეტლი თამაშის დასაწყისში, ვიდრე სათამაშო არე მრავალი კოჭით არის დახაფრული, სუსტ ფიგურას წარმოადგენს და ზოგჯერ ჩამოუვარდება კუსა და მხედარს, ხოლო შუაში და განსაკუთრებით კი ბოლოში დაუფასებელი ფიგურაა. მეფეც თამაშის დასაწყისში და შუაში ნაკლები ღირებულებას ძალას წარმოადგენს, ხოლო თამაშის ბოლოს აქტიურ მონაწილეობას იღებს.

მაშასადამე, როდესაც ფიგურების შედარებით ღირებულებაზე ვლაპარაკობთ, ჩვენ თეორიულად ვმსჯელობთ და ვიღებთ მხოლოდ დაახლოვებით გარაუდს, ისიც თამაშის შუა სტადიასთან შეფარდებით.

ციფრებით რომ გამოვხატოთ კოჭების ღირებულება და ძირითად ერთეულად პაიკი ავიღოთ, შემდეგ ტაბულას მივიღებთ:

- პაიკი = 1.
- მხედარი = 3.
- კუ = 3.
- ეტლი = 5.
- ლაზიერი = 10.



დიაგრამა № 1.

სება კიდევ ის არის, რომ, როგორც ვთქვით, იგი შეიძლება ფიგურადაც იქცეს.

კოჭების შედარებითი ღირებულება. როგორც ვნახეთ, კოჭები განსხვავდებიან თავისი ღირსებისა და ძლიერების მიხედვით. ამიტომ შეგვიძლია ვილაპარაკოთ მათ შედარებით ღირებულებაზე. რასაკვირველია, ჩვენ აქ ფიგურების აბსოლუტურ ღირებულებაზე ვერ ვილაპარაკებთ. ამას მხოლოდ თეორიული მნიშვნელობა ექნება; პრაქტიკაში ხშირადღე ნაკლები ღირებულების კოჭი ამა თუ იმ კონკრეტ პირობებში უფრო დიდ ძალას წარმოადგენს, ვიდრე თეორიულად მეტი ღირებულების კოჭი. არც ის


პრობლემა
პრობლემა

ზოგი თეორეტიკოსი უარყოფს კუსა და მხედრის თანაბრობას და ამტკიცებს, კუ დაახლოებით $1\frac{1}{2}$ პაიკით უფრო ძლიერიაო. ზემოთ მოყვანილი ტაბულის მიხედვით ეტლი=კუს+2 პაიკი=მხედარს+2 პაიკი, ხოლო ლაზიერი=სამ მსუბუქ ფიგურას+1 პაიკი=2 ეტლს. ბოლოდროინდელი გამოკვლევა უფრო ზედმიწევნით არაკვევს კოჭების ღირებულებას. ამ ღირებულების გამოსარკვევად ხმარობენ ორ ფაქტორს—ფიგურის მოძრაობის და იერიშის, თავდასხმის უნარიანობას. ამის მიხედვით შემდეგი ტაბულა გამოჰყავთ:

პაიკი	=	1
მხედარი	=	$2\frac{1}{2}$
კუ	=	3
ეტლი	=	$4\frac{2}{3}$
ლაზიერი	=	8

ამრიგად გამოდის, რომ ორი ეტლი ლაზიერზე უფრო ძლიერია, კუ და ორი პაიკი ცოტა ძლიერია ეტლზე, მხედარი და ორი პაიკი ეთანაბრება ეტლს; ლაზიერი=ორ მხედარს+1 კუ; აგრეთვე=2 კუს+2 პაიკი; მეფის მოძრაობის და დარტყმის უნარიანობა თამაშის ბოლოში 3 პაიკს უდრის.

როკი. ერთ პარტიაში ორივე მხარეს მხოლოდ ერთხელ შეუძლია გააკეთოს ეგრეთწოდებული **როკი**. როკი იმაში მდგომარეობს, რომ ერთ-ერთ ეტლს (ფუკი მეფესა და ეტლს შუა თავისუფალი ადგილია) მიუსვამენ მეფეს გვერდში, ხოლო მეფეს გადაახტუნებენ ეტლზე და დასვამენ ეტლის მეზობელ უჯრაზე ჰორიზონტალური მიმართულებით (იხ. დიაგრ. № 1): ეტლს დასვამენ f1-ზე და შემდეგ მეფეს ეტლის გვერდით g1-ზე. როკის გაკეთება შეიძლება როგორც მარჯვნივ, ისე მარცხნივ a1 ეტლთან; პირველს ეწოდება **მოკლე როკი**, ხოლო მეორეს **გრძელი**, რადგანაც e1-დან h1-მდე უფრო მოკლე მანძილია (სამი უჯრაა), ვიდრე a1-მდე (ოთხი უჯრაა). როკის გაკეთებას დრო არ აქვს განსაზღვრული; ეს მოთამაშის სურვილზეა დამოკიდებული, როდეს დაინახავს როკს ხელსაყრელად; მაგრამ არის პირობები, როდესაც როკის უფლებას ჰკარგავს მოთამაშე. აი ეს პირობები:




დიაგრამა № 2.

1. თუ მეფე პარტიის განმავლობაში დაძრულ იქნა თავისი ადგილიდან, მოთამაშეს ავ ხელზე სულ მთლად ეკარგება როკის უფლება, თუნდაც მეფე შემდეგ ისევ თავის უჯრაზე დაჯდეს.
2. თუ ერთ-ერთი ეტლი დაიძრა თავისი ადგილიდან, მოთამაშეს უფლება ეკარგება იმ ეტლთან გააკეთოს როკი. მაგალითად, თუ ეტლი h1 დაძრულ იქნა ადგილიდან, მეფეს ეკარგება მოკლე როკი, სამაგიეროდ შეუძლია გააკეთოს გრძელი როკი (a1-თან).

3. თუ ორივე ეტლი დაძრულ იქნა ადგილიდან, მოთამაშეს იმ ხელზე მთლად ეკარგება როკის უფლება.

4. როკის გაკეთება არ შეიძლება იმ მომენტში, როდესაც მეფეს ქიშს უცხადებენ. მაგრამ ქიშვამოცხადებულ მეფეს, თუკი იგი ადგილიდან არ იქნა დაძრული, როკი არ ეკარგება.



დიაგრამა № 3.

5. თუ მეფესა და ეტლს შუა იმყოფება ფიგურა ან ფაგურები, როკის გაკეთება იმ ეტლთან არ შეიძლება.

6. თუ როკის დროს მეფემ ის უჯრა უნდა გაიაროს, რომელსაც მოპირდაპირის კოჭი ემუქრება, როკი არ შეიძლება.

7. თუ როკის გაკეთების შემდეგ მეფე იმ უჯრაზე დგება, რომელსაც მოპირდაპირის ფიგურა ემუქრება, როკი არ შეიძლება (იხ. დიაგრ. № 2).

მაგალითად, ამ შემთხვევაში არ შეიძლება არც მოკლე და არც გრძელი როკი, ვინაიდან იმ ორივე უჯრას, სადაც მეფე დაჯდება, მოპირდაპირის ფიგურები ემუქრებიან: g1-ს ეტლი და c 1-ს ლაზიერი.

როდესაც სვლაზე ვლასპარაკობდით, ვთქვით, რომ ერთი სვლა მხოლოდ ერთი ფიგურით შეიძლება, მაგრამ იქვე დაეძინეთ, რომ ამ საერთო წესიდან გამონაკლისი არსებობს. აი, ამ გამონაკლისს შეადგენს როკი, რომელშიაც მონაწილეობს ორი ფიგურა—მეფე და ეტლი. როკი უფრო ხშირად დებიუტის ბოლოში ან შუა თამაშის პირველ სტადიაში ხდება ხოლმე და მიზნად ისახავს: 1) უფრო უშიშარ, უხიფათო ადგილას დააყენოს მეფე და ააცილინოს იგი მოწინააღმდეგის იერიშებს; 2) მოპირდაპირის გეგმები ჩაფუშოს და იძულებული გახადოს იგი ფიგურები გადააჯგუფოს ახალ მდგომარეობასთან შეფარდებით და 3) ბრძოლაში ჩააბას ერთი ძლიერი ფიგურათაგანი—ეტლი, რომელიც მანამდე უმოქმედოდ იმყოფებოდა მარჯვენაში.

იერიში და მოგერიება. როდესაც კოჭის სვლით მოპირდაპირის კოჭს მოკვლას ემუქრებით, ამას იერიში ანუ თავდასხმა ეწოდება. მოპირდაპირე მხარე ამ თავდასხმას ან მოგერიებით, დაცვით უპასუხებს, ანდა თავის მხრივ გადადის შტეტევაზე. რა თქმა უნდა, თუ იერიშის საპასუხო სვლა დაცვასაც შეიცავს და თავდასხმასაც, ეს საუკეთესოა. (იხ. დიაგრ. № 3).


მაგ. თამაში დაიწყო ასე: 1. e2—e4; e7—e5; 2. d2—d4; d7—d5. ამ მდგომარეობაში თეთრი პაიკი d4 ემუქრება შავ პაიკს e5-ს, ხოლო თეთრი პაიკი e4 მეორე პაიკს d5-ს. თავის მხრივ შავი პაიკებიც ემუქრებიან თეთრებს (e5—d4-ს და d5—e4-ს). გარდა ამისა, პაიკები d4 და d5 დაცულნი არიან თავ-თავისი ლაზიერებით. თამაში შეიძლება ასე გაგრძელდეს: მხედარი b1—c3. ამით იგი დაემუქრა პაიკს d5-ს, რომელსაც ემუქრება აგრეთვე პაიკი e4 და ამავე დროს დაიცვა ეს უქანასენელიც. თუ შავებმა ახლა მოსაგერიებელი სვლა არ გააკეთეს, დაჰკა-



ოგავენ პაიკს (e4: d5; ლაზიერი d8 ველარ მოკლავს ამას, რადგანაც იცავს მხედარი c3; თუ შავებმა ამაზე უპასუ-
ნეს: e5: d4, მაშინ თეორეზი ლაზიერი იღებენ d4-ს და
ზედმეტად ერთი პაიკი (შოჩხეაა); ამიტომ ისინი თამა-
შობენ: ან: e7—e6, ან მხედარი f8—f6; ან კუ e8—e6, ან
მხედარი b8—c6. რომელი სვლა სჯობია, ამის განხილვა
აქ არ შეეძლება. აქ აღვნიშნავთ მხოლოდ, თუ რომელი
სვლით შეიძლება უშუალოდ დაიფაროს ხიფათში მყოფი
პაიკი d5 ანდა სამაგიერო იერიში მოიტანოს.

ქიში. როგორც საერთო და ძირითადი წესი, უნდა
გვანსოდეს, რომ მეფე ხელუხლებელია. თამაშის მთელი
ფოკუსი მეფის ირგვლივაა თავმოყრილი; თუ რუკაზე მეფე
არ იმყოფება, ისე თამაში შეუძლებელია. მოთამაშეს უფ-
ლება აქვს რომელი ფიგურაც უნდა დასტოვოს მექარის
ქვეშ, ანდა მოსაკლავად დაუყენოს, მაგრამ მეფის დატო-
ვება იერიშ ქვეშ შეუძლებელია; ასევე—შეიძლება ესა თუ
ის ფიგურა გასწიროს რაიმე მოსაზრებით: ან მოხერხებუ-
ლი პოზიციის დასაჭერად, ან კომბინაციის გეგმის შესას-
რულებლად და სხვა, მაგრამ მეფის გაწირვა შეუძლებე-
ლია; ამიტომ, როდესაც მეფეს ემუქრებიან ამა თუ იმ კო-
ქით, წინდაწინ ავრთხილებენ სიტყვიტ: **ქიში.** მეფეზე
შეტევა ქიშის გამოცხადება (იხ. დიაგრ. № 4) ამ დი-
აგრამაზე შავ მეფეს თეორეზმა შეიძლება სხვადასხვა ფი-
გურით სხვადასხვა ადგილიდან უქიშონ. ლაზიერიტ: e2: e8, e2—c4, e2—a6, e2—e6, e2—g4; ეტლიტ: f6—c6; კუტი c2—f5; მხედრით f6—e7; შავებს შეუძ-
ლიათ თეთრ მეფეს გამოუცხადონ: ლაზიერიტ: a4: c2,
a4—a1; a4—d4; a4—d7; ეტლიტ a5—d5, h4—h1,
h4—d4 და სხვა.

იმ მხარეს, რომელსაც ქიშს უცხადებენ, სხვადასხვა
საშუალებით შეუძლია დაიფაროს თავი: ან მოკლას ის ფი-
გურა, რომლითაც ქიშს უცხადებენ, ან მეფეს და ქიშის
გამომცხადებელ ფიგურას შუა რომელიმე კოქი დააყენოს,




დიაგრამა № 4.

ანდა მოაოილოს მეფე
იქ უჯრას, რომელიც
მუქარის ქვეშ იმყო-
ფება. ავილოთ ქიშის
სხვადასხვა შემთხვევა
და ვნახოთ, თუ როგორ
იცავს მეფე თავს (იხ.
დიაგრ. № 5). ამ მდგო-
მარეობაში თეთრებს
სხვადასხვა მხრიდან
შეუძლიათ გამოუცხა-

დონ ქიში, მაგრამ შა-
ვებს სამაგიეროდ სა-
შუალება აქვთ სხვადა-

სხვა ღონით დაიცვან თავი. მაგალითად, ლაზიერი უცხა-
დებს ქიშს f1—d1. შავებს შეუძლიათ ეს ქიში მოიგე-
რიონ ან ლაზიერის მოკვლით b3: d1, ან ფიგურების
წოფარებით: e6—d7; e6—d5; f8—d6; b6—d7, ანდა
შეუძლიათ მეფე გადასვან სხვა რომელიმე უხიფათო
უჯრაზე. თუ თეთრებმა ეტლიტ გამოუცხადეს ქიში a5—d5,
მაშინ შავებს შეუძლიათ იგი მოკლან ან b3: d5, ან
e6: d5, ან b6: d5. თუ ეტლი სხვა მხრიდან გამოუცხა-
დებს ქიშს a5—a8, შავებს შეუძლიათ დაიცვან ან მოკვ-
ლით b6: a8, ანდა, თუ მოკლა რაიმე მოსაზრებით ხელ-


საყოფი არაა, მეფესა და ეტლს შუა დასვამენ კაპაშვილი,
დარს ხ6—c8, ანდა მეფეს სხვა უჯრაზე გადასვამენ.
თუ ქიში გამოეცხადა კუტი f4—g5, შეიძლება ან
მოერიდოს მეფე, ანდა
მეფესა და კუს შუა ან
მხედარი დაჯდეს f8—
e7), ან კუ (f8—e7); თუ
იმავ კუმ სხვა მხრიდან
გამოუცხადა—(f4: e7),
მეფეს შეუძლია მოკლას
იგი, ან მოერიდოს.



დიაგრამა № 5.

ქიში თავისი ხასი-
ათის მიხედვით სხვადა-
სხვახაირია. როგორც
ზნაოთ ვნახეთ, შეიძლე-
ბა მეფეს ქიში გამოეც-
ხადოს ერთი ფიგურათ შორი მანძილიდან, ეს არის **უბ-
რალთ, მარტივი ქიში**; მაგრამ შეიძლება ქიში გამოეცხა-
დოს მეფის გვერდითა უჯრაზე დაჯდონით; მაშინ მეფემ,
თუ ეს კოქი დაფარული არაა, უნდა მოკლას, ანდა, თუ
სხვა კოქითაა დაფარული, შემტევ ფიგურას აუცილებლად
უნდა მოერიდოს (იხ. დიაგრ. № 6). მაგალითად, ლაზიე-
რი უცხადებს ქიშს b3—f7; ლაზიერი დაფარული რომ
არ იყოს კუტი a2, მეფეს მისი მოკლა შეუძლია, მაგრამ
ამ შემთხვევაში აუცილებლად სხვა უჯრაზე უნდა დაჯ-
დეს, ვინაიდან ლაზიერი ვერც მეფით კვდება, ვერც სხვა
კოქით და ვერც სხვა ფიგურები ეფარება (როგორ მოე-
ფარება, როცა ლაზიერი კოქაში უზის!) ასევეა პაიკის
ქიშის დროს—პაიკი ან უნდა მოიკლას, ანდა მეფე მოე-
რიდოს: d6—d7 პაიკი არაა დაფარული, შეიძლება მოი-
კლას ანდა, თუ სხვა ანგარიში აქვს მოთამაშეს, მეფე უნ-
და მოარიდოს.

მაგრამ არის კიდევ **გახსნილი ქიში**; ეს იმ შემთხ-
ვევაში ხდება ხოლმე, როდესაც ქიშს უცხადებენ არა იმ
ფიგურით, რომლითაც ქიშის გამოცხადების დროს თამა-
შობენ, არამედ ამ ფიგურის უკან მდგომი კოქით: მაგა-
ლითად (იხ. დიაგრ. № 7), ჩვენ რომ მხედარი e2 სხვა
რომელიმე უჯრაზე გადავსვათ (e2—c3) ეს იქნება გა-
ხსნილი ქიში, ვინაიდან
ქიში ეცხადება მეფეს
არა მხედრით, არამედ
მის უკან მდგარი ეტ-
ლიტ (e1). ასეთივე იქ-
ნება ქიში, თუ მხედარს
f8-ს h8-ზე დავსვამთ;
მაშინ ქიში ეცხადება
მეორე ეტლიტ; მაგრამ
თუ მხედარი დავსვით
f8-ზე, ეს იქნება გახს-
ნილ ქიშთან ერთად



დიაგრამა № 6.

ორმაგი ქიშიც, ვინაი-
დან მეფეს ემუქრება
ორი ფიგურა: ეტლი
h8 და მხედარი f6; ასეთ შემთხვევაში მეფემ აუცილებ-
ლად უნდა გამოიცვალოს ადგილი; ასევე უნდა მოიქცეს
მეფე, როდესაც ქიში მხედრით ეცხადება და ეს უკანას-
კნელი გერა კვდება რომელიმე კოქით. არის კიდევ ერთ-
ნაირი ქიში, რომელსაც **მუდმივი ქიში** ეწოდება და რომლის შესახებაც შემდეგ გვექნება ლაპარაკი.

გამოდის 1928 წ. გამოდის

თრკვირული საშინაო სასუკათეო

ქურნალი

მოსკოლისთვის

პიონერი

III

ქურნალი ს. ს. ს. რ. ყველა სკოლისთვის სავალდებულოა.

ღენინის სხელობის საქართველოს ბავშთა კომუნისტური ჯგუფების ყოველი წევრის, ორგანიზაციის ყოველი კოლექტივის, ბავშთა კომუნისტური მოძრაობის თითოეული ხელმძღვანელის, ბიბლიოთეკების და სამკითხველოების უაღრესესობა გამოიწერონ

პიონერი

მიიღება ხელმოწერა 1928 წლისათვის.

ქურნალი ღირს გადაგზავნით:

წელიწადში	5 მან.
ექვს თვეს	3 მან.
სამ თვეს	1 მან. 50 კაპ.

სალგო ნომერი—25 კაპ.

მისამართი: ტფილისი, რუსთაველის გამზირი, № 23, სხეულკამი (მესამე სართული). „პიონერი“-ს და „ნაკადული“-ს რედაქცია.

ელსმენი—23—16

რედაქტორი—სარულაქშიო კოლეგია.